

ወዘሥዓት፡ ርእሶ፡ ዘምዑዝ፡ እምአምበሞ።
እስመ፡ ለዓለም፡ ምሕረቱ።
ጌና፡ መዓዛሁ፡ ሠናይ፡ እምቀናንሞ።
እስመ፡ ለዓለም፡ ምሕረቱ።

፳፮፡ ግንዩ፡ ለክርስቶስ፡ ንጉሥ፡ በልብ፡ ጽፋይ።
እስመ፡ ለዓለም፡ ምሕረቱ።
በፈቃዱ፡ ወበስምረቱ፡ ዘወረደ፡ እምሰማይ።
እስመ፡ ለዓለም፡ ምሕረቱ።
ዘተወልደ፡ እምድንግል፡ እግዚእ፡ ወአዶናይ።
እስመ፡ ለዓለም፡ ምሕረቱ።
ዘሞተ፡ ወዘተንስእ፡ በስልጣን፡ ዐቢይ።
እስመ፡ ለዓለም፡ ምሕረቱ።
ዘዓርገ፡ ሰማያተ፡ ወነበረ፡ በየማነ፡ ዕብይ።
እስመ፡ ለዓለም፡ ምሕረቱ።

፳፱፡ ግንዩ፡ ከሌልክሙ፡ ለክርስቶስ፡ ንጉሥ።
እስመ፡ ለዓለም፡ ምሕረቱ።
ዘይመጽእ፡ ዳግመ፡ ይኸንን፡ ሕያዋን፡ ወሙታን።
እስመ፡ ለዓለም፡ ምሕረቱ።
በፍትሐ፡ ጽድቅ፡ እምላካዊ፡ ዘኢያጽንን።
እስመ፡ ለዓለም፡ ምሕረቱ።
ይሁብ፡ ለለጅ፡ በከመ፡ ምግባሩ፡ ዘኮነ።
እስመ፡ ለዓለም፡ ምሕረቱ።
ለጸድቃን፡ አስቦ፡ ወለኃዋአን፡ ደይን።
እስመ፡ ለዓለም፡ ምሕረቱ።
አሜን፡ ለይኩን፡ ለዓለመ፡ ዓለም፡ ይዕቀበን።
እስመ፡ ለዓለም፡ ምሕረቱ።



መልክአ፡ ኢየሱስ።

፩፡ አአምን፡ ኅቡረ፡ በስመ፡ ሥላሴ፡ አጋክዝት።
እለ፡ ሀለው፡ በቅድምና፡ ወበአሐቲ፡ መለኮት።
እምቅድመ፡ ይትፈጠር፡ ዓለም፡ ወከሎሙ፡ መላእክት።
ወእምዝ፡ እዌጥን፡ ድርሳን፡ ለዘተወልደ፡ እምብእሲት።
ቃለ፡ አብ፡ አሐዱ፡ እምነ፡ ቺቱ፡ አካላት።

፪፡ ሰላም፡ ለሀላዊክ፡ እምቅድመ፡ ዓለማት፡ ዘሀሎ።
ምስለ፡ አቡክ፡ ደርገ፡ ወምስለ፡ መንፈስክ፡ በተልዕሎ።
ኢየሱስ፡ ቃለ፡ አብ፡ ወእምላክ፡ ሳሙኤል፡ ዘደብረ፡ ሴሎ።
አስተርእየኒ፡ ከማሁ፡ ወበልሐኒ፡ እምተኃጉሎ።
እስመ፡ አንተ፡ ኖላዊ፡ ዘተዓቅብ፡ ከሎ።

፫፡ ሰላም፡ ለርደትክ፡ እምነ፡ ሰማያት፡ ፯ቱ።
ለአድኅኖ፡ አዳም፡ ገብርክ፡ እስመ፡ ሥምረትክ፡ ውእቱ።
ኢየሱስ፡ ክርስቶስ፡ ለዳንኤል፡ ፈጸሜ፡ ትንቢቱ።
ዕቀበኒ፡ በሥልጣንክ፡ እምነ፡ ኃጢአት፡ ሠለስቱ።
ትዕቢት፡ ወጣዖት፡ ወዘሙት፡ እሙንቱ።

፬፡ ሰላም፡ ለጽንሰትክ፡ እምነ፡ ማርያም፡ ድንግል።
እንበለ፡ ሩካቤ፡ ወዘርእ፡ በብሥራተ፡ መልአክ፡ ኃያል።
ኢየሱስ፡ ክርስቶስ፡ ወልደ፡ እግዚአብሔር፡ ልዑል።
አድኅኒኒ፡ በምሕረትክ፡ እምነ፡ ሙስና፡ ወኃጉል።
እስመ፡ ዘእንበሌክ፡ አልቦ፡ አድኅኖ፡ ዘይክል።

፭፡ ሰላም፡ ለጽንሰትክ፡ በከርሙ፡ ማርያም፡ ዘሠረጸ።
ጸዊሮ፡ ምሕረተ፡ ወአኩ፡ ተግዛጸ።
ኢየሱስ፡ ሥጋክ፡ እመለኮትክ፡ ኢሐጸ።
እንዘ፡ ተዋህደ፡ ይሬኢ፡ እስከነ፡ ሰይጣን፡ ደንገጸ።
ዮሐንስ፡ ዘበከርሥ፡ ቀነጸ።

፮፡ ሰላም፡ ለልደትክ፡ እምልደተ፡ ከሎ፡ ብዑድ።
በሰማይ፡ እንበለ፡ እም፡ እምባሕርየ፡ አብ፡ መርዕደ።

ወበምድር፡ እንበለ፡ አብ፡ ወልደ፡ ማርያም፡ ዋህድ።
ተፈሥሁ፡ በልደትክ፡ ሰማያውያን፡ አንጋድ።
ወአነሂ፡ አቄርብ፡ አምኃ፡ ዘሰገድ።

፯፡ ሰላም፡ ለልደትክ፡ እምልደተ፡ ነሉ፡ ፍሉጥ።
ወሥጋዊክ፡ መንክር፡ በቅብዓ፡ መለኮት፡ ጽዑጥ።
ኢየሱስ፡ ኃያል፡ ወላዕለ፡ ነሉ፡ ሥሉጥ።
ዕቀበኒ፡ እምአፍኦ፡ ወበልሐኒ፡ እምውስጥ።
እስመ፡ አነ፡ መዋቲ፡ ፍጡን፡ ዘእትዌለጥ።

፰፡ ሰላም፡ ለልደትክ፡ ዘኢይትረክብ፡ አምሳሉ።
በምድር፡ በታሕቱ፡ ወዘበሰማይ፡ በላዕሉ።
ኢየሱስ፡ ክርስቶስ፡ ለአኅዜ፡ ዓለም፡ ቃሉ።
ይሰግዱ፡ ለክ፡ ዘመጽኤ፡ ወልደተክ፡ ያብዕሉ።
ዘሰገል፡ ይኔይሱ፡ እምአይወድ፡ እሉ።

፱፡ ሰላም፡ ዕብል፡ ለልደትክ፡ በስባሐ።
በቤተ፡ ልሔም፡ ዘኮነ፡ ከመ፡ ተነበየ፡ ነቢያ፡ ኤሎሄ።
ንጉሠ፡ እሥራኤል፡ ክርስቶስ፡ ዘተከደንክ፡ ሱራሐ።
አቄርብ፡ ለክ፡ እግዚአ፡ መዝሙረ፡ ማኅሌት፡ እማኒ።
ከመ፡ ወርቅ፡ ጽሩይ፡ ወከመ፡ ቅድሙ፡ ርኒ።

፲፡ ሰላም፡ ለግዝረትክ፡ ከመ፡ ተነግረ፡ በኦሪት።
እምልደትክ፡ በሥጋ፡ በሰሙን፡ ዕለት።
ኢየሱስ፡ መድኅን፡ አቤ፡ ምእመናን፡ ዘበጥምቀት።
ምስለ፡ አቡክ፡ መሐሪ፡ እንተ፡ አሐቲ፡ ሥምረት።
ወምስለ፡ መንፈስክ፡ ማኅየዊ፡ ዘለክ፡ መንግሥት።

፲፩፡ ሰላም፡ ለዝክረ፡ ስምክ፡ ስመ፡ መድኃኒት፡ ሥሙር።
ስም፡ ልዑል፡ ወስም፡ ክቡር።
ኢየሱስ፡ ክርስቶስ፡ እግዚአ፡ ሰማያት፡ ወምድር።
አንጽሐኒ፡ በሥምረትክ፡ እምነ፡ አበሳ፡ ወነውር።
ዘትሰሪ፡ ነሉ፡ እስመ፡ አንተ፡ ኒር።

፲፪፡ ሰላም፡ ለሐረትክ፡ ውስተ፡ ምድረ፡ ግብጽ፡ በተሰዶ።
ሶብ፡ ኃወወክ፡ ሄሮድስ፡ ከመ፡ ይቅተልክ፡ ፈቂደ።

ኢየሱስ፡ ኅዱር፡ ውስተ፡ ብሔረ፡ ባዕድ፡ በተግንግዶ።
እንዘ፡ ወልደ፡ አምላክ፡ አንተ፡ ወወልደ፡ ማርያም፡ በተዋህዶ።
በከመ፡ አብሰራ፡ ለእምክ፡ ገብርኤል፡ ወሪዶ።

፲፫፡ ሰላም፡ ለስእርተ፡ ርእስክ፡ ከመ፡ ፈትሉ፡ ሐሪር፡ ጸሊም።
ወነሉንታሁ፡ ሥሙር፡ እንተ፡ አልበቱ፡ ሕሰም።
ኢየሱስ፡ ክርስቶስ፡ መድኃኒ፡ ዓለም።
አውጽኦኒ፡ በሥልጣንክ፡ እምግበ፡ ኃጢአት፡ ወስርም።
እስመ፡ አንተ፡ ኃያል፡ ወአነ፡ ድኩም።

፲፬፡ ሰላም፡ ለርእስክ፡ ርእሰ፡ ኩሉ፡ ፍጡራን።
ዘተሐንጸ፡ ቅድመ፡ መልዕልተ፡ ጸድቃን፡ ኄራን።
ኢየሱስ፡ ክርስቶስ፡ እግዚአ፡ ሕያዋን፡ ወሙታን።
አድኅነኒ፡ በምሕረትክ፡ እምነ፡ ገሃነም፡ ወደደን።
እስመ፡ አንተ፡ ባላሒ፡ እምኩሉ፡ ተስናን።

፲፭፡ ሰላም፡ ለገጽክ፡ እምነ፡ ዐሐይ፡ ብሩህ።
ወከመ፡ ዘመብረቅ፡ መፍርህ።
ኢየሱስ፡ ክርስቶስ፡ አምላክ፡ አብርሃም፡ ወኖላ።
ዕቀበኒ፡ በሥልጣንክ፡ እምእከየ፡ ሰይጣን፡ ረምሕ።
በከመ፡ አቀብከመ፡ ቅድመ፡ ለአበው፡ እምአይኅ።

፲፮፡ ሰላም፡ ለቀራንብቲክ፡ ቀራንብተ፡ ልዑል፡ ፈጣሪ።
እለ፡ ይነብራ፡ ዘልፈ፡ እምጥንት፡ እስክ፡ ደኃሪ።
ኢየሱስ፡ ክርስቶስ፡ ኃጢአትየ፡ አስተስሪ።
እንዘ፡ ለነፍስየ፡ ትብላ፡ ዘእቤለኪ፡ ሥመራ።
ወዘመሐርኩኪ፡ አነ፡ ከማሁ፡ ግበሪ።

፲፯፡ ሰላም፡ ለአዕይንቲክ፡ አዕይንተ፡ ጸጋ፡ ወሀብት።
እለ፡ ይኔጽራ፡ በግህል፡ ወአክ፡ በመዓት።
መዝገብ፡ ጥበብ፡ ክርስቶስ፡ ወቀላየ፡ ምሕረት።
ሀበኒ፡ ጸጋ፡ ጥበብ፡ እንበለ፡ መጠን፡ ወመስፈርት።
እስመ፡ ጥበብ፡ ትኔይስ፡ እምኩሉ፡ መዛግብት።

፲፰፡ ሰላም፡ ለአእዛኒክ፡ እለ፡ ያጸምኦ፡ ጸሎተ።
ለዘያፈቅሩ፡ ጽድቅ፡ ወአክ፡ ጽልሑተ።

ኢየሱስ፡ ሀበኒ፡ መንፈሳዊተ፡ ጥሪተ።
እንተ፡ ኢተኃል፡ ጸጋ፡ ዘሰማይ፡ ትፍሥሕተ፡
ምስለ፡ መላእክት፡ ደርጎ፡ አሁብከ፡ ስብሐተ።

፲፱፡ ሰላም፡ ለመላተሒክ፡ እለ፡ ብሩሃት፡ እምነህ።
ከመ፡ ጽጌ፡ ረዳ፡ ጽዱል፡ ወከመ፡ ሮማን፡ ቀይሕ።
ኢየሱስ፡ ክርስቶስ፡ ለኅብ፡ ሰማያት፡ መርሕ።
አድኅነኒ፡ እምክናት፡ ወእምነ፡ መጥባሕት፡ በሊህ፡
እስመ፡ ለዓለም፡ ጥቀ፡ እከዬ፡ ብዙኀ።

፳፡ ሰላም፡ ለአእናፊክ፡ መሳክወ፡ መዝሙር፡ ወስብሐት።
ለዘያቁርቡ፡ ወትረ፡ ማኅበረ፡ ወንጌል፡ ብርሀት።
ኢየሱስ፡ ክርስቶስ፡ ተወካፊ፡ ሥሙር፡ ጸሎት።
አድኅነኒ፡ አመከራ፡ ወባልሐኒ፡ እመንሱት።
እስመ፡ ዘእንቤለክ፡ ኢይክሉ፡ ያድኅኑ፡ ኖሎት።

፳፩፡ ሰላም፡ ለከናፍሪክ፡ እለ፡ አውኃዛ፡ መዓረ።
አምአስካለ፡ ወይን፡ ጥዑም፡ ዘኮነ፡ ሥሙረ።
ኢየሱስ፡ ክርስቶስ፡ ተወካፊ፡ ጸሎት፡ ወትረ።
እስእለክ፡ እግዚአ፡ ወአጽዎዓኒ፡ ምዕረ።
ከመ፡ ትክሥት፡ ሊተ፡ ኅቡአ፡ ምስጢረ።

፳፪፡ ሰላም፡ ለጽሕምክ፡ አምሳለ፡ ጽሕሙ፡ ለአርን፡ ካህን።
ወጽፉቅ፡ ጥቀ፡ ምስለ፡ መዓዛ፡ ወስን።
ኢየሱስ፡ ክርስቶስ፡ ካህን፡ ወንጌል፡ መድኅን።
ተወከፍ፡ እግዚአ፡ ጸሎተ፡ ገብርክ፡ ኅዙን።
ከመ፡ መሥዋዕተ፡ ሰርክ፡ ሥሙር፡ ወቅዱስ፡ ስኂን።

፳፫፡ ሰላም፡ ለአፉክ፡ አፈ፡ በረከት፡ መንክር።
ለሰቢክ፡ ወንጌል፡ ቅዱስ፡ እንዘ፡ ይትናገር፡ በክብር።
ኢየሱስ፡ ክርስቶስ፡ መዝገብ፡ ምሕረት፡ ወፍቅር።
አድኅነኒ፡ በምሕረትክ፡ ወበዚአክ፡ ምግባር።
እስመ፡ አነ፡ ኃጥአ፡ ወብእሲ፡ ግዩር።

፳፬፡ ሰላም፡ ለአስናኒክ፡ አስናን፡ ፍጡራን፡ እለ፡ ኢኮና።
ዘኢየሐይክ፡ ሐሚተ፡ እንተ፡ አልባቱ፡ ጥሒና።

ኢየሱስ፡ ክርስቶስ፡ አምላክ፡ እስራኤል፡ ዘደብረ፡ ሲና።
ሴስየኒ፡ እግዚአ፡ ኅብስተ፡ አእምሮ፡ ወልቡና።
ከመ፡ ለእስራኤል፡ ቅድመ፡ ሴስየከመ፡ መና።

፳፭፡ ሰላም፡ ለልሳንክ፡ ነበልባለ፡ እሳት፡ ዘአርያም።
ለጽሙም፡ ዘይፈውሶ፡ ወይፈትሐ፡ ለበጎም።
ኢየሱስ፡ ክርስቶስ፡ መስዋዕተ፡ ወንጌል፡ ፍጹም።
ዕቀበኒ፡ እምቀትል፡ ወአድኅነኒ፡ እምደም።
እስመ፡ ዘእንቤለክ፡ እግዚአ፡ አልባቱ፡ ሰላም።

፳፮፡ ሰላም፡ ለቃልክ፡ ዘይገብር፡ መድምመ።
እንዘ፡ ያነሥኦ፡ መታነ፡ ወእንዘ፡ ያጥሒ፡ ሕሙመ።
ኢየሱስ፡ ሕይወት፡ እንተ፡ አምጸእክ፡ ሰላም።
ተወከፈኒ፡ በንስሐ፡ ወአንጽሐኒ፡ ዳግመ።
እስመ፡ ዘቀዳሚ፡ ጸጋየ፡ ማሰነ፡ ፍጹመ።

፳፯፡ ሰላም፡ ለአስትንፋስክ፡ ቀደሴ፡ አዳም፡ አቡኑ።
ወጊዜ፡ ተፈጥሮቱ፡ በንፍሐት፡ መንፈስ፡ ሕይወት፡ ዘኮነ።
ኢየሱስ፡ ክርስቶስ፡ ወልደ፡ እግዚአብሔር፡ ቤዛን።
አድኅነኒ፡ በኪዳንክ፡ ወእምነ፡ እኩይ፡ ባልሐን።
እስመ፡ ዘእንቤለክ፡ አልቦ፡ ዘያጸንዕ፡ ኪዳን።

፳፰፡ ሰላም፡ ለጉርዒክ፡ በማየ፡ ፍቅረ፡ ሰብእ፡ ጽሙዕ።
እንዘ፡ ለሊክ፡ ታረዊ፡ እማየ፡ ሕይወት፡ ለሰብእ።
ኢየሱስ፡ ክርስቶስ፡ ዘመሥዋዕተ፡ ወንጌል፡ በግዕ።
አቅመኒ፡ በየማንክ፡ በጊዜ፡ ሐተታ፡ ጽኑዕ።
እስመ፡ አንተ፡ መሐሪ፡ ወእነ፡ ኃጥአ።

፳፱፡ ሰላም፡ ለክሳድክ፡ ከመ፡ ዘበረሊ፡ ጽፋይ።
ላዕለ፡ መታክፍት፡ ሕኑጽ፡ ወለዘይፈኢ፡ ሠናይ።
ኢየሱስ፡ ኖላዊ፡ አምላክ፡ ዳንኤል፡ ነቢይ።
ባልሐኒ፡ በምሕረትክ፡ እምአፈ፡ አንበሳ፡ እኩይ።
እስመ፡ አንተ፡ ባላሒ፡ ለኩሉ፡ ነዳይ።

፴፡ ሰላም፡ ለመትከፍትክ፡ ጸዋሬ፡ መስቀል፡ ክቡድ።
ምስለ፡ ቃለ፡ ጽርፈት፡ ወስላቅ፡ እንዘ፡ ኢይትበዓድ።

ኢየሱስ፡ ዘቆምከ፡ ቅድመ፡ ቀያ፡ በዓውድ።
አድጎነን፡ እግዚአ፡ ለደቂቀ፡ ወንጌል፡ ነገድ።
እስመ፡ አንተ፡ አቡነ፡ ወንሕነ፡ ውሉድ።

፴፩፡ ሰላም፡ ለዘባንከ፡ ስብሐተ፡ መላእክት፡ ዘተኮድን።
ወላዕለ፡ ኪሩቤል፡ ፱ቱ፡ ዘሀሎ፡ እሙነን።
ኢየሱስ፡ ክርስቶስ፡ ወልደ፡ እግዚአብሔር፡ ኃይልን።
ዕቀበኒ፡ እምድቀታት፡ ወረዳኤ፡ ነጉነን።
እንዘ፡ ትሰድዶ፡ በኃይል፡ ለእኩይ፡ ፀርኒ።

፴፪፡ ሰላም፡ ለእንግድዓከ፡ ጸዋሬ፡ በረከት፡ ወጸጋ።
ዘየአክል፡ ለኩሉ፡ እንበለ፡ ሕጻጽ፡ ወንትጋ።
ኢየሱስ፡ ክርስቶስ፡ ወልደ፡ ማርያም፡ በሥጋ።
ዕቀበኒ፡ በሥልጣንከ፡ እምነ፡ እኩያን፡ እንግልጋ።
ወባልሐኒ፡ ዳግመ፡ ለዓለም፡ እምጸጋ።

፴፫፡ ሰላም፡ ለሕጽንከ፡ ምርፋቀ፡ ጸድቃን፡ በተስፋ።
እንዘ፡ ይትኬለሉ፡ ወትረ፡ ቃለ፡ ዚእከ፡ ሐገፋ።
ኢየሱስ፡ ክርስቶስ፡ አምላክ፡ ጳውሎስ፡ ወኬፋ።
አድጎነን፡ እምዓለም፡ በማዕከላ፡ ወጽንፋ።
ከመ፡ ኢየሱስደኒ፡ ፀር፡ ለሲኦል፡ እምጸድፋ።

፴፬፡ ሰላም፡ ለአእዳዊከ፡ በመልዕልተ፡ መስቀል፡ ዘተቀነዋ።
ከመ፡ ይርከቡ፡ ግዕዛን፡ ደቂቀ፡ አዳም፡ ወሔዋ።
ኢየሱስ፡ ክርስቶስ፡ ወልደ፡ ማርያም፡ ጣዕዋ።
አድጎነን፡ እምጸዋዊ፡ ወእስክለከ፡ ነዋ።
እስመ፡ ዘእንበሌከ፡ አልቦ፡ ዘያድጎን፡ እምጸዋ።

፴፭፡ ሰላም፡ ለመዝራዕትከ፡ መዝራዕተ፡ ኃይል፡ ዕዉቅ።
እስከነ፡ ለዓለም፡ እምጥንት፡ ዘኢይወድቅ።
ኢየሱስ፡ ክርስቶስ፡ አምላክ፡ ፫ቱ፡ ደቂቅ።
ባልሐኒ፡ እምነበልባል፡ ወእመዓተ፡ ግብት፡ መብረቅ።
ወዓዲ፡ ዕቀበኒ፡ እምጋኔን፡ ወድድቅ።

፴፮፡ ሰላም፡ ለኩርናዕከ፡ ኩርናዓ፡ እንበላ፡ መደንግጽ።
በኃይል፡ ወበጽንዕ፡ ከመ፡ ቀሥተ፡ ብርት፡ ወሐጽ።

ኢየሱስ፡ ክርስቶስ፡ ዘተሰቀልከ፡ በዕዕ።
አድጎነን፡ በመስቀልከ፡ ወባልሐኒ፡ እምዳጎጽ።
ከመ፡ ባላሕከመ፡ ቅድመ፡ ለእስራኤል፡ እምግብጽ።

፴፯፡ ሰላም፡ ለእመትከ፡ እመተ፡ በረከት፡ ቅዱስ።
ዘይሚጥን፡ ሰብአ፡ በምግባር፡ አሚን፡ ውዱስ።
ኢየሱስ፡ ክርስቶስ፡ ዘቤተ፡ ክርስቲያን፡ ርእስ።
አድጎነን፡ እምውኒዝ፡ ወባልሐኒ፡ እምባዕስ።
እስመ፡ አንተ፡ ባላሐ፡ በባሕር፡ ወበየብስ።

፴፰፡ ሰላም፡ ለእራኃቲከ፡ እለ፡ አኃዛ፡ ዓለመ።
ምስለ፡ አቡከ፡ መሐሪ፡ ወምስለ፡ መንፈስከ፡ ቅድመ።
ኢየሱስ፡ ክርስቶስ፡ እንተ፡ ሰአርከ፡ መርገመ።
ዕቀበኒ፡ እምጣዖታት፡ ከመ፡ ኢያምልክ፡ ሕሩመ።
እምነቢብ፡ ወሰሚዕ፡ ዘከነ፡ በሃመ።

፴፱፡ ሰላም፡ ለአፃብዒከ፡ እለ፡ ጸሐፋ፡ አሪተ።
እንዘ፡ ትሚህር፡ ለሙሴ፡ ሃዕለተ።
ኢየሱስ፡ መምህር፡ እንተ፡ መሐርከ፡ ኒሩተ።
መሐረኒ፡ እግዚአ፡ እምቃለ፡ ወንጌል፡ ምሕረተ።
እንበለ፡ ፍርሐት፡ በኃይል፡ ከመ፡ እስብክ፡ ዘንተ።

፵፡ ሰላም፡ ለአፃብዒከ፡ እለ፡ ጸሐፋ፡ በመሬት።
ሶቦ፡ ሰከይዋ፡ አይሁድ፡ ለብእሲት፡ ዘማዊት።
ኢየሱስ፡ ክርስቶስ፡ መዝገብ፡ ጸጋ፡ ወስርዊት።
ሰረይ፡ ሊተ፡ ከማሃ፡ ወባልሐኒ፡ እምእኪት።
እስመ፡ አንተ፡ ባላሐ፡ በኩሉ፡ ሰዓት።

፵፩፡ ሰላም፡ ለአጽፋረ፡ እዴከ፡ ዘያጽደለድላ፡ በኅብሬ።
ምስለ፡ ደም፡ ወሥጋ፡ እምዕንቄ፡ ሰንፔር፡ ወወራውሬ።
ኢየሱስ፡ ክርስቶስ፡ ምሉዓ፡ ስብሐት፡ ወዝማሬ።
ከደነኒ፡ ልብሱ፡ ጥቡብ፡ ወክልብሰኒ፡ ጳደሬ።
ከመ፡ ወልደ፡ ዳዊት፡ ሰሎሞን፡ ዘነገሠ፡ በኅሬ።

፵፪፡ ሰላም፡ ለገቦከ፡ እንተ፡ ደመ፡ ጽድቅ፡ አውኃዘ።
ምስለ፡ ማየ፡ ሕይወት፡ ክቡር፡ ሶቦ፡ በኩናት፡ ተረግዘ።

ኢየሱስ፡ ሥጋክ፡ ዘበኅብል፡ ሕማም፡ ተእኅዞ፡
 ረስዩኒ፡ እግዚአ፡ እምቅንዩተ፡ ዲያብሎስ፡ ግዑዝ፡
 በንዋመ፡ ሐኪት፡ ብዙኅ፡ ለዘኮንኩ፡ ድንዘዘ።

፱፻፲፡ ሰላም፡ ለክርስቲያን፡ ሲሳዩ፡ ፍጡራን፡ ዘኢሁዳው፡
 እስከ፡ ትፈጽም፡ በጽድቅ፡ ፈቃድ፡ አቡክ፡ ቅዱስ፡
 ኢየሱስ፡ ዘኮንኩ፡ ዲቦ፡ ዕዕ፡ መስቀል፡ ዕጉሠ፡
 ክድነኒ፡ እግዚአ፡ ምግባረ፡ ዘኢክ፡ ልብሰ፡
 እንበለ፡ እስከልክ፡ ቅድመ፡ እስመ፡ ከደንከኒ፡ ማዕሰ።

፱፻፲፡ ሰላም፡ ለልብክ፡ መዝገብ፡ አእምሮ፡ ዕሙቅ፡
 በልብ፡ መላእክት፡ ወሰብክ፡ ዘኢይጤየቅ፡
 ኢየሱስ፡ ክርስቶስ፡ አምላክ፡ አብርሃም፡ ጸድቅ፡
 አንጽሐኒ፡ እምኃጢአት፡ ወአጽርየኒ፡ እምወርቅ፡
 እስመ፡ አነ፡ ኃዋኦ፡ ወብእሲ፡ ውዱቅ።

፱፻፲፡ ሰላም፡ ለሕሊናክ፡ ሕሊና፡ መላእክት፡ ዘኢይረክቦ፡
 ወእምነ፡ ፍጡራን፡ አሐዱ፡ ዘኢየአምሮ፡ ጥበቦ፡
 ኢየሱስ፡ ክርስቶስ፡ መቅለሌ፡ ኅዘን፡ ለዘአጸቦ፡
 አድኅነኒ፡ በምሕረትክ፡ ከመ፡ እግባር፡ የብቦ፡
 እስመ፡ ዘእንበሌክ፡ እግዚአ፡ ዘያድህን፡ አልቦ።

፱፻፲፡ ሰላም፡ ለሕንብርትክ፡ ለጽድቅ፡ በረከት፡ መዝገብ፡
 ለዘይሬአየ፡ ሠናይ፡ ወዕዑብ፡ ክበቡ፡
 ኢየሱስ፡ መድኅን፡ ለእግዚአ፡ ሰማይ፡ ጥበቦ፡
 አቁርብ፡ ለክ፡ እግዚአ፡ ከመ፡ መላእክት፡ አቅረቡ፡
 መዝሙረ፡ ስብሐት፡ ክቡረ፡ ዘአዳም፡ ንባቡ።

፱፻፲፡ ሰላም፡ ለሐቋክ፡ ኃብል፡ ትሕትና፡ ዘቀነተ፡
 እምነ፡ ሰማያት፡ በፍቅር፡ እስከ፡ ወረድክ፡ ታሕተ፡
 ኢየሱስ፡ ከፍኒ፡ ጊዜ፡ ትመጽእ፡ ጽሚተ፡
 መሐረኒ፡ እግዚአ፡ ወኢትቅሥ፡ ግብተ፡
 ከመ፡ ይሁዳ፡ ደንጻዊ፡ ዘለብሰ፡ ሐፍረተ።

፱፻፲፡ ሰላም፡ ለአቀላጽክ፡ በምክረ፡ እኩያን፡ ዘኢተከፍሎ፡
 እስመ፡ ሠለጥክ፡ መዊተ፡ ወሰቢሮቶሙ፡ ኢክህሉ።

በግዓ፡ ፋሲካ፡ ክርስቶስ፡ በከመ፡ አበው፡ ይቤሉ፡
 ጸልልኒ፡ በደምክ፡ እምጸብኦ፡ ዲያብሎስ፡ ወቀትሉ፡
 እስመ፡ አንተ፡ ማኅፈድ፡ ለድኩም፡ ምጽላሉ።

፱፻፲፡ ሰላም፡ ለአብራኪክ፡ እለ፡ ያስግዳ፡ አብራክ፡
 ዘበምድር፡ ሰብኦ፡ ወዘበሰማይ፡ መልእክ፡
 ኢየሱስ፡ ብርሃን፡ መድኃኒተ፡ ዓለም፡ ዘኮንኩ፡
 መሐረኒ፡ እግዚአ፡ ለኅጡኦ፡ ምግባር፡ ገብርክ፡
 በአብራክ፡ መንፈስ፡ ወልብ፡ ከመ፡ እስግድ፡ ለክ፡

፱፻፲፡ ሰላም፡ ለአእጋሪክ፡ ዲቦ፡ ዘባነ፡ ባሕር፡ እለ፡ ሐራ፡
 መጸሕፍተ፡ አበው፡ ገሃድ፡ ከመ፡ ተናገራ፡
 ኢየሱስ፡ ካህን፡ ለቤተ፡ ክርስቲያን፡ መምህራ፡
 መሐረኒ፡ ሕገ፡ ወንጌል፡ ወባልሐኒ፡ እምግብራ፡
 ለዓለም፡ ኃላፊት፡ ዘትፈሪ፡ መከራ።

፱፻፲፡ ሰላም፡ ለሰኳንዊክ፡ በዘባነ፡ ነፋስ፡ እለ፡ ይረውጽ፡
 ከመ፡ ዘመብረቅ፡ ጽዱል፡ እንዘ፡ ይትባረጽ፡
 ኢየሱስ፡ ቡሩክ፡ ዘኢታፈቅር፡ አመፍ፡
 አድኅነኒ፡ እግዚአ፡ እምዘ፡ እኩያን፡ አኅፍ፡
 እስመ፡ አጽራርየ፡ ፈድፈዱ፡ ወበዝኅ፡ እምኖጽ።

፱፻፲፡ ሰላም፡ ለመክየድክ፡ ዘአሳዕነ፡ መድኅኒት፡ ልብሰ፡
 ከመ፡ ተዓውቀ፡ ቅድመ፡ በነቢይክ፡ ኢያሱ፡
 ኢየሱስ፡ ክርስቶስ፡ ለዳዊት፡ መንበረ፡ ንግሡ፡
 ዕቀበኒ፡ እግዚአ፡ ለዓለመ፡ ሥጋ፡ እምባዕሰ፡
 እስመ፡ አንተ፡ ባላሒ፡ ወለዓለም፡ ሞገሱ።

፱፻፲፡ ሰላም፡ ለአፃብዓ፡ እግርክ፡ ከመ፡ ዘመብረቅ፡ በዓዳ፡
 እንዘ፡ ያበርሃ፡ ኅቡረ፡ ዘኢይትበዓዳ፡
 የሱስ፡ ብርሃን፡ ለቤተ፡ ክርስቲያን፡ ዓምዳ፡
 አቅልል፡ ሊተ፡ እግዚአ፡ ክበደ፡ ኃጢአት፡ ወዕዳ፡
 እስመ፡ በዓለም፡ አነ፡ ኃላፊ፡ እንግዳ።

፱፻፲፡ ሰላም፡ ለአጽፋረ፡ እግርክ፡ ከመ፡ ከዋክብት፡ ጽዱላት፡
 እለ፡ ሀለዋ፡ ቅድመ፡ እስከነ፡ ለዓለም፡ እምጥንት።

ኢየሱስ፡ መድኃኒት፡ ኢየሱስ፡ ሕይወት።
አድኅኒኒ፡ እግዚአብሔር፡ እምነ፡ እኩያን፡ አክልብት።
እለ፡ አስናኖሙ፡ በሊሐን፡ አስይፍት።

፶፭፡ ሰላም፡ ለቁመተ፡ ሥጋክ፡ በአቅመ፡ አዳም፡ መጠነ።
ወለመለኮትክ፡ ስፉሕ፡ ዘኢይትረከብ፡ ወሰነ።
ኢየሱስ፡ ፀሐይ፡ ለዓለም፡ ብርሃን፡ ዓይኑ።
እብርህ፡ ሊተ፡ እግዚአብሔር፡ እምግብረ፡ ጽልመት፡ ኂጣኑ።
ለዲያብሎስ፡ ፀርሮ፡ ዘያስሕት፡ በኪነ።

፶፮፡ ሰላም፡ ለመልክዕክ፡ አምሳለ፡ ክበቡ፡ ከመ፡ ወርኅ።
ለዘይሬአዮ፡ አዳም፡ ወጥቀ፡ ፍውሕ።
ኢየሱስ፡ ክርስቶስ፡ በውስተ፡ ቅዱሳን፡ ስቡሕ።
አድኅኒኒ፡ እግዚአብሔር፡ እምነ፡ መከራ፡ ብዙኅ።
እስመ፡ አነ፡ ኃጥእ፡ ወአንተ፡ ርኅሩኅ።

፶፯፡ ሰላም፡ ለጥምቀትክ፡ በእደ፡ ዮሐንስ፡ መጥምቅ።
እምፈለገ፡ ውኒገዝ፡ ብዙኅ፡ በማየ፡ ዮርዳኖስ፡ ልጹቅ።
ኢየሱስ፡ ወልደ፡ አብ፡ እመለኮትክ፡ ዘኢተዓርቅ።
አድኅኒኒ፡ በጥምቀት፡ ወዕቀበኒ፡ እምወዲቅ።
እስመ፡ አንተ፡ ኖላዊ፡ ወባላሐ፡ በጽድቅ።

፶፰፡ ሰላም፡ ለሥልጣንክ፡ እንተ፡ በገሊላ፡ ተከሥተ።
እንዘ፡ ትሬስዮ፡ ለማይ፡ ደመ፡ አስካለ፡ ወይን፡ ቅጽበተ።
ኢየሱስ፡ ክርስቶስ፡ ገባሬ፡ ተአምር፡ አንተ።
እስመ፡ ትዑባ፡ ኃይለ፡ መዊዕ፡ ከመ፡ ትረሲ፡ ብሐተ።
ላዕለ፡ ዲያብሎስ፡ ቀናዒ፡ ዘያመጽእ፡ ሞተ።

፶፱፡ ሰላም፡ ለአስተርእዮትክ፡ ላዕለ፡ ደብረ፡ ታቦር፡ መድምም።
እንዘ፡ ይበርህ፡ ገጽክ፡ ከመ፡ ዘመብረቅ፡ ግሩም።
ኢየሱስ፡ ክርስቶስ፡ ዳግማዊ፡ አዳም።
በከመ፡ ርእዮ፡ አርድእት፡ ክብረ፡ ዚአክ፡ እምቅድም።
አስተርእየኒ፡ ገሃደ፡ ወአክ፡ በሕልም።

፷፡ ሰላም፡ ለበአትክ፡ ውስተ፡ ኢየሩሳሌም፡ ቅድስት።
በቃለ፡ ጽራሕ፡ ብዙኅ፡ እንዘ፡ ትጼዓን፡ በእድግት።

ኢየሱስ፡ ስቡሕ፡ በአፈ፡ አዕሩግ፡ ወሕጸናት።
እስከነ፡ ይብሉ፡ ከሎሙ፡ ምስለ፡ ቅዱሳን፡ አርድእት።
ሆሳእና፡ በአርያም፡ ለወልደ፡ ዳዊት።

፷፩፡ ሰላም፡ ለበአትክ፡ ውስተ፡ ቤተ፡ መቅደስ፡ በዳኅና።
እንዘ፡ ትጼዓን፡ በዕዋል፡ ከመ፡ ታርኢ፡ ትሕትና።
ኢየሱስ፡ ክርስቶስ፡ እንተ፡ አርያም፡ ሆሳዕና።
ምርሐኒ፡ እግዚአብሔር፡ ለኅብ፡ ሰማያት፡ ፍና።
ከስመ፡ አስርሐኒ፡ ጥቀ፡ ለዓለም፡ ተስናና።

፷፪፡ ሰላም፡ ለተእኅዞትክ፡ በእደ፡ ወገራት፡ ዘሰጸራ።
ምስለ፡ ይዑዳ፡ ጉሕላዊ፡ እለ፡ ይበዝኑ፡ እምዕሥራ።
ኢየሱስ፡ ክርስቶስ፡ አምላክ፡ ባርቅ፡ ወዲቦራ።
አኅስሮ፡ ለፀርዮ፡ በከመ፡ ኃስረ፡ ሲሳራ።
በእደ፡ ኢያሜል፡ ድክምት፡ ዘተጽሕፈ፡ ክብራ።

፷፫፡ ሰላም፡ ለተቀሥርትክ፡ ወለትጸፍዎትክ፡ ብእድ።
በምክረ፡ ቀያፋ፡ ወሐና፡ ምስለ፡ እኩያን፡ አይዑድ።
ኢየሱስ፡ ክርስቶስ፡ መምሕረ፡ ትዕግሥት፡ ንዑድ።
መሐረኒ፡ ሕገ፡ ትዕግሥት፡ ወአጥብቢኒ፡ ለአብድ።
እስመ፡ አንተ፡ መምህሩ፡ ለኩሉ፡ ዘመድ።

፷፬፡ ሰላም፡ ለተከርዎትክ፡ በበትረ፡ ዝንጓጎ፡ ወሕለት።
እንዘ፡ ይዌርቁ፡ አይዑድ፡ ላዕለ፡ ገጽክ፡ ክብርት።
ኢየሱስ፡ ዕጉሥ፡ እስከ፡ ትበጽሕ፡ ለሞት።
ሀበኒ፡ ተዕግሥተ፡ ምስለ፡ ሃይማኖት፡ ጽንዕት።
ከመ፡ እርከብ፡ ክብረ፡ በግርምት፡ ዕለት።

፷፭፡ ሰላም፡ ለሕማምክ፡ ሕማማተ፡ ዓለም፡ ዘአሰሰለ።
እንዘ፡ ትትእስር፡ ድኅረተ፡ ወእንዘ፡ ትጸውር፡ መስቀለ።
ኢየሱስ፡ ክርስቶስ፡ ዘተሰቀልክ፡ ላዕለ።
ሀበኒ፡ እግዚአብሔር፡ እምደመ፡ ገቦክ፡ ጠለ።
ወእምነ፡ ሥጋክ፡ ቅዱስ፡ ዘያወርስ፡ አክሊለ።

፷፮፡ ሰላም፡ ለዕርቃንክ፡ እምልብስ፡ እልቃሕ፡ ወሰንዳን።
እስከነ፡ ሰሐቁ፡ ላዕሌክ፡ ሐራ፡ ጲላጦስ፡ መስፍን።

ኢየሱስ፡ ክቡር፡ ወበቀድመ፡ አይሁድ፡ ምኑን።
ክድንኒ፡ እግዚአ፡ ልብሰ፡ ተፋቅሮ፡ ብርሃን።
እስመ፡ ፍቅር፡ ተዓቢ፡ እምኩሉ፡ ሥልጣን።

፳፯፡ ሰላም፡ ለለቢዎትክ፡ ልብሰ፡ ከለሚዳ፡ ወለይ።
እንዘ፡ ይግለቱክ፡ ሐራ፡ ከመ፡ አማ፡ ዕቡይ።
ኢየሱስ፡ ንጉሥ፡ ለገበረ፡ መዓት፡ ጉንዱይ።
ኢትቀሥፈኒ፡ በፍትሕ፡ እንበለ፡ ንስሐ፡ ውዑይ።
ባሕቱ፡ ሚጠኒ፡ ከመ፡ ጳውሎስ፡ ኅሩይ።

፳፰፡ ሰላም፡ ለተቀንዎትክ፡ ምስለ፡ ዕፁ፡ መስቀል፡ ዕፁብ።
ቅድመ፡ ቀዳፋ፡ ወሐና፡ በዕለተ፡ ዓርብ።
ኢየሱስ፡ ክርስቶስ፡ አምላክ፡ ዳዊት፡ መክብብ።
አውጽኦኒ፡ በመስቀልክ፡ እምፈለገ፡ ደይን፡ አስራብ።
እስመ፡ ዘእንበሌክ፡ አልቦ፡ ኖትያ፡ ጠቢብ።

፳፱፡ ሰላም፡ ለበቅለትክ፡ ማእከለ፡ ፈያት፡ ፪ቱ።
እስከ፡ አብጽሐክ፡ ዝዩ፡ ለሰይጣን፡ ቅንዓቱ።
ኢየሱስ፡ ክርስቶስ፡ ለዓለም፡ ማየ፡ ሕይወቱ።
ሕጽብኒ፡ በደምክ፡ እንበለ፡ ምግባር፡ በከንቱ።
እስመ፡ አልቦ፡ ዘያንጽሕ፡ ወየዐቢ፡ እምዝንቱ።

፷፩፡ ሰላም፡ ለጸአተ፡ ነፍስክ፡ ኃይለ፡ ሥልጣን፡ ሞት፡ ዘሰአረ።
ሐዋርያ፡ ወንጌል፡ ጳውሎስ፡ ከመ፡ በመጽሐፉ፡ ነገረ።
ኢየሱስ፡ ክርስቶስ፡ እንተ፡ ትገብር፡ መንክረ።
ሀበኒ፡ እግዚአ፡ ሰማያዊተ፡ ሀገረ።
እንበለ፡ ሞግ፡ ወጸዕር፡ ዘታሉብስ፡ ክብረ።

፷፪፡ ሰላም፡ ለበድኑ፡ ሥጋክ፡ ከመ፡ ጽጌ፡ ረዳ፡ ምዑዝ።
እስመ፡ መለኮቱ፡ ምስሌሁ፡ በተዋህዶ፡ እኅዝ።
ኢየሱስ፡ ክርስቶስ፡ ዘቤተ፡ ክርስቲያን፡ ድንባዝ።
ሱቀኒ፡ እምትንታኔ፡ ወዕቀበኒ፡ እምጋዕዝ።
እስመ፡ አንተ፡ ኖላዊ፡ ወጽኑዕ፡ ምርጉዝ።

፷፫፡ ሰላም፡ ለግንዘተ፡ ሥጋክ፡ በሰንዱኑ፡ ስብሐት፡ ዘተጠብለለ።
ወበጼና፡ ከርቤ፡ ቅድሙ፡ እስከነ፡ ኮነ፡ ጥሉለ።

ኢየሱስ፡ ክርስቶስ፡ እንተ፡ ታፈቅር፡ ስኢለ።
ሀበኒ፡ እግዚአ፡ ሰማያዊተ፡ ብዕለ።
ዘለዓለም፡ ባሕቱ፡ ያመጽእ፡ በቀለ።

፷፬፡ ሰላም፡ ለመቃብረክ፡ መካነ፡ ዮሴፍ፡ ትሩፍ።
ዘአውቀሮ፡ ቅድመ፡ በከመ፡ ይቤ፡ መጽሐፍ።
ኢየሱስ፡ ከመ፡ ንስር፡ ዘዕጉሊሁ፡ የሐቅፍ።
ጸልለኑ፡ እምኩናት፡ ወበልሐኑ፡ እምሰይፍ።
እስመ፡ ንሕነ፡ ውኅዳን፡ ወእጽራረኑ፡ አእላፍ።

፷፭፡ ሰላም፡ ለትንሣኤክ፡ ማዕከለ፡ ዓቀብት፡ ዘአድለቅለቀ።
እስከነ፡ ኮነ፡ አብድንተ፡ ወደንገጹ፡ ጥቀ።
ኢየሱስ፡ ኃይልክ፡ እንተ፡ በትንሣኤ፡ ተዓውቀ።
ሀበኒ፡ እግዚአ፡ ዘፍኖተ፡ ሰማይ፡ ስንቀ።
ምግባረ፡ ሃይማኖት፡ ጽሩዩ፡ ዘይበቀሱ፡ ወርቀ።

፷፮፡ ሰላም፡ ለትንሣኤክ፡ እንተ፡ ተሰምዩ፡ ፋሲካ።
በዕለተ፡ እሁድ፡ ዘኮነ፡ ለዘውስተ፡ ጽልመት፡ ዋካ።
ኢየሱስ፡ ኃያል፡ በዓለ፡ ብዙኅ፡ ምህርካ።
ክፍለኒ፡ ጸጋ፡ አሚን፡ ለበዊዓ፡ ሰማይ፡ ታዕካ።
እንዘ፡ ትመልሕ፡ ሊተ፡ ለኃጢአት፡ ሦከ።

፷፯፡ ሰላም፡ ለዕርገትክ፡ በደመና፡ ሰማይ፡ ሰረገላ።
እስከነ፡ ርእዩ፡ አርድእት፡ እንዘ፡ ተዐርግ፡ እምገሊላ።
ኢየሱስ፡ ክርስቶስ፡ አምላክ፡ ሂኖክ፡ ወማቱሳላ።
ሀበኒ፡ ዕድሜ፡ ንስሐ፡ ወበልሐኒ፡ እምተኩላ።
ወአብኦኒ፡ ዳግመ፡ በገነት፡ ዘተድላ።

፷፰፡ ሰላም፡ ለፈንዎትክ፡ በእምሳለ፡ ነፋስ፡ ወእሳት።
ጳራቅሊጦስሃ፡ ናዛዜ፡ ወቀዳሴ፡ ኩሉ፡ ፍጥረት።
ኢየሱስ፡ ክርስቶስ፡ አምላክ፡ ነበያት፡ ወሐዋርያት።
ሀበኒ፡ መንፈስክ፡ ያንጽሐኒ፡ እምኃጢአት።
ወዓዲ፡ ይምርሐኒ፡ በሠናይ፡ ፍኖት።

፷፱፡ ሰላም፡ ዕብል፡ ለመንፈስክ፡ ማኅዩዊ።
እምኀበ፡ አቡክ፡ መሐሪ፡ ወእምኔክ፡ ተፈናዊ።

ኢየሱስ፡ ክርስቶስ፡ ዘሕዝቡ፡ አስራኤል፡ ኖላዊ።
ዕቀበኒ፡ እመሰርድ፡ እንተ፡ በኪነ፡ ያደዊ።
ወባልሐኒ፡ ዳግመ፡ እመስገርት፡ ነዓዊ።

፪፱። ሰላም፡ ለአጽንዖትክ፡ ለሐዋርያት፡ በሁሉ።
ላዕለ፡ ምንዳቤ፡ ብዙኅ፡ እስከኑ፡ ጥቀ፡ ኃዋሉ።
ኢየሱስ፡ ፀወን፡ ለዘበስምክ፡ ተወክሉ።
እለሰ፡ ክህዱክ፡ ወሥልጣንክ፡ አቅለሉ።
እምሕይወት፡ ተመትሩ፡ ወክመ፡ ተሐጉሉ።

፫። ሰላም፡ ዕብል፡ ለምሕረትክ፡ ኃሣሢ።
በኢያአምሮ፡ ፍኖተ፡ ለዘተኃጉሉ፡ ብእሲ።
ኢየሱስ፡ ክርስቶስ፡ አምላክ፡ ጳውሎስ፡ ደምሳሲ።
ሚጠኒ፡ ከማሁ፡ ወባልሐኒ፡ እምክይሲ።
ወረስዩኒ፡ ዳግመ፡ ከም፡ ወልድ፡ ወራሲ።

፫፭። ሰላም፡ ዕብል፡ ለምጽአትክ፡ ሐዊሳ።
ኀበ፡ ሀለው፡ ደርገ፡ ደቂቀ፡ ወንጌል፡ ከኒሳ።
ኢየሱስ፡ ኃያል፡ ዘቤተ፡ ይሁዳ፡ አንበሳ።
አንጽሐኒ፡ እምኃጢአት፡ ወእምነ፡ ሁሉ፡ አበሳ።
እንበለ፡ ሐተታ፡ ወፍትሐ፡ ወጽኑዕ፡ ኃሣሢ።

፫፮። ሰላም፡ ለምጽአትክ፡ እንተ፡ አልባቲ፡ ትእምርት።
እመሂ፡ ኮነት፡ በሌሊት፡ ወእመሂ፡ በመዓልት።
ኢየሱስ፡ ከሩኒ፡ ወንጉሠ፡ ከሉሉ፡ ነገሥት።
ደርዕዱ፡ ቅድመ፡ ገጽክ፡ ወይወድቁ፡ በፍርሃት።
ለሕገ፡ ወንጌል፡ ቃልክ፡ ዘክህድዎ፡ በሐስት።

፫፯። ሰላም፡ ለምጽአትክ፡ ምስለ፡ መላእክት፡ በግርማ።
ከመ፡ ትግበር፡ ፍትሐ፡ ኀበ፡ ምድር፡ እምነ፡ ፈማ።
ኢየሱስ፡ ከሩኒ፡ በጽድቅ፡ እንበለ፡ ፃማ።
አድኅነኒ፡ እግዚአ፡ እምነ፡ ዕቡድ፡ መስቲማ።
እስመ፡ አሕመመኒ፡ ጥቀ፡ ለዓለም፡ ሕማማ።

፫፰። ሰላም፡ ለፍትሕክ፡ ማዕከለ፡ ጳድቃን፡ ወኃጥአን።
እንዘ፡ ኢትኤምጽ፡ ምንተ፡ ከመ፡ ነገሥተ፡ ምድር፡ በዕዳን።

ኢየሱስ፡ ክርስቶስ፡ ተስፋ፡ ግፉንን።
አቅመኒ፡ እግዚአ፡ ጊዜ፡ ፍትሕክ፡ በየማን።
እስመ፡ እንተ፡ ፍታሒ፡ በሁሉ፡ አዝማን።

፫፵። ስብሐት፡ ለክ፡ ፈጣሪዩ፡ በምልዓ፡ ሁሉ፡ አባልዩ።
ስብሐት፡ ለክ፡ አምላኪዩ፡ በምልዓ፡ ሁሉ፡ አእምሮትዩ።
ስብሐት፡ ለክ፡ ንጉሥዩ፡ በምልዓ፡ ሁሉ፡ ልብዩ።
ስብሐት፡ ለክ፡ መድኃኒትዩ፡ በምልዓ፡ ሁሉ፡ ፈቃድዩ።
ስብሐት፡ ለክ፡ መንጽሐ፡ ኃጢአትዩ፡ ዘደመ፡ ዚአክ፡ ሕይወትዩ።

፫፶። ስብሐት፡ ለክ፡ ኢየሱስ፡ እመር።
ምስለ፡ አቡክ፡ ደርገ፡ በየማነ፡ ኃይል፡ ዘትነብር።
ወምስለ፡ መንፈስክ፡ ማኅዩዊ፡ ዲበ፡ ምእመናን፡ ጎዱር።
ከመ፡ ታድኅን፡ ሰብአ፡ ዘተሠዩጥክ፡ ከመ፡ ገብር።
ክርስቶስ፡ ወልድ፡ እግዚአብሔር።

፫፶፭። ስብሐት፡ ለክ፡ ኢየሱስ፡ ሕፃን።
ዘመጻእክ፡ እምነ፡ ቲማን።
ወቅዱስ፡ እንተ፡ ዘደብረ፡ ፋራን።
ዘትሰመይ፡ ቅዱስ፡ ቅዱሳን።
ወመዓዛክ፡ ቅብዓ፡ በለሳን።

፫፶፮። ስብሐት፡ ለክ፡ ኢየሱስ፡ ቡሩክ።
ዘኢትመውት፡ አምላክ።
ወዘትሂሉ፡ ወትረ፡ እንበለ፡ ሕጸጽ፡ ወተውሣክ።
ባልሐኒ፡ እግዚአ፡ እምነ፡ ሰይጣን፡ ድሩክ።
እስመ፡ ሁሉ፡ ግብሩ፡ ምንሳዌ፡ ወሀውክ።

፫፶፯። ስብሐት፡ ለክ፡ ኢየሱስ፡ አዶናይ።
እንበለ፡ አበሳ፡ ወጌጋይ፡ በኀብለ፡ ፍቅረ፡ ሰብአ፡ ሕሙይ።
ክርስቶስ፡ ብርሃን፡ ዘኢተአርብ፡ ዐሐይ።
ዕቀበኒ፡ እግዚአ፡ እምነ፡ ሁሉ፡ እከይ።
እስመ፡ እንተ፡ በምድር፡ ወእንተ፡ በሰማይ።

፯። ስብሐት፡ ለክ፡ ኢየሱስ፡ ዘእምቅድመ፡ ዓለም፡ ንጉሥ።
ስብሐት፡ ለክ፡ ኢየሱስ፡ ሠራዬ፡ ሃይማኖት፡ ሐዲስ።

ስብሐት፡ ለክ፡ ኢየሱስ፡ ሠዓሌ፡ ሕፃናት፡ በከርሥ።
 ስብሐት፡ ለክ፡ ኢየሱስ፡ ብርሃኑ፡ ዓይኑ፡ ለዕውር፡ ወምርዋጸ፡
 እግሩ፡ ለሐንካስ።
 ስብሐት፡ ለክ፡ ኢየሱስ፡ ማየ፡ ሕይወት፡ ወእፃ፡ መድኃኒት፡ ዘኢ-
 ዩየብስ።

፲፩፡ ስብሐት፡ ለክ፡ አማኑኤል፡ መድኃኒ፡ እስራኤል፡ አግባል።
 ስብሐት፡ ለክ፡ አማኑኤል፡ ዘኢይነዲ፡ ባዕል።
 ስብሐት፡ ለክ፡ አማኑኤል፡ ባሕረ፡ ምሕረት፡ ዘኢይቀብል።
 አንሱ፡ እስክለክ፡ እንዘ፡ ከመዝ፡ ዕብል።
 ተወክረኒ፡ እግዚአ፡ በምሕረት፡ ወሣህል።

፲፪፡ ስብሐት፡ ለክ፡ መድኃኒ፡ ዓለም፡ ኃያል፡ ዘኢይደክም።
 ስብሐት፡ ለክ፡ መድኃኒ፡ ዓለም፡ ትጉሕ፡ ዘኢይነውም።
 ስብሐት፡ ለክ፡ መድኃኒ፡ ዓለም፡ ስነ፡ ላዕይክ፡ ዘይኤድም።
 አንሱ፡ አክኑተክ፡ እንበለ፡ መስፈርት፡ ወዓቅም።
 እስመ፡ በስመክ፡ ይርኢ፡ ዕውር፡ ወይጥሳ፡ ሕመም።

፲፫፡ ስብሐት፡ ለክ፡ እግዚእየ፡ መግረሬ፡ ዐርየ።
 በሥልጣንክ፡ መዋሳ፡ ዕቀባ፡ ለነፍስየ።
 በሰማይኒ፡ ወበምድር፡ እስመ፡ ዘእንበሌክ፡ አልብየ።
 መዓልተ፡ ወሌሊተ፡ ኢትትፈለጥ፡ አምኔየ።
 ወበክሉ፡ መከራ፡ ከነኒ፡ ዐወንየ።

፲፬፡ ስብሐት፡ ለክ፡ እግዚአ፡ ዘበሰማያት፡ አቡነ።
 ወበስምክ፡ ቅዱስ፡ ቀድሶ፡ ለስምነ።
 ወጊዜ፡ ምጽአትክ፡ ግሩም፡ መንገሉ፡ የማን፡ እቅመነ።
 ወከመ፡ ንግበር፡ ፈቃደክ፡ ኃያለ፡ ዘኢክ፡ ሀበነ።
 ወሲሳየን፡ ዘዕለት፡ ወእንተ፡ ለዓለም፡ ምግባነ።

፲፭፡ መሐረን፡ እግዚአ፡ ወኅድግ፡ ክሉ፡ አበሳነ።
 በከመ፡ ትቤ፡ ለሊክ፡ ከመ፡ ንኅድግ፡ ንሕነ።
 እንዘ፡ ይነድዱ፡ በመዓት፡ ዘአበሱ፡ ለነ።
 ወአበሳነ፡ ብዙኅ፡ ውስተ፡ መንሱት፡ ኢታብኢነ።
 እስመ፡ ተወክልነ፡ ብክ፡ በስምክ፡ እመነ።

፲፮፡ ስረዬ፡ ለነ፡ እግዚአ፡ ወክሉንታነ፡ ሐድስ።
 እንዘ፡ ኢትሌሊ፡ ምሕረተክ፡ እምዐቢዬ፡ ወንዑስ።
 ወአድኅነነ፡ አዲ፡ እመከራ፡ ሥጋ፡ ወነፍስ።
 ምስለ፡ አኃውየ፡ ወአኃትየ፡ ዘመንፈስ፡ ቅዱስ።
 ሊተ፡ ለገብርክ፡ ጽኑስ።

ለዝንቱ፡ መልክኦ፡ ኢየሱስ፡ ዘደረሶ፡ አሐዱ፡ ምእመን።
 ዘያፈቅሮ፡ ጥቀ፡ ለእግዚእ፡ ኢየሱስ፡ በአማን።
 እንዘ፡ ንዑስ፡ ውእቱ፡ በክሉ፡ እምአግብርተ፡ ክርስቶስ፡ ምእመናን።
 በመዋዕሊሁ፡ ለዳግማዊ፡ ምኒልክ፡ ንጉሠ፡ ነገሥት፡ ዘኢትዮጵያ።
 በ፲፡ ወ፲፪፡ ወ፲፫፡ ዓመተ፡ ምሕረት፡ ወንጌላዊ፡ ማቲዎስ፡ ወው-
 ጣኒሁክነ፡ አመ፳፡ ለጥቅምት፡ ወፍጻሜሁ፡ ኮነ፡ በታሥሶ፡ ዕለት።
 ይክነነ፡ መርሐ፡ ለኅብ፡ ሰማያት።

አሜን፡ ወአሜን፡ ለይኩን፡
 ለይኩን።





ምክሐ፡ ምእመናን።

- ፩፡ በስመ፡ አብ፡ ወወልድ፡ ወመንፈስ፡ ቅዱስ፡ ፩፡ አምላክ።
አአምን፡ በዕሪና፡ እንዘ፡ እስግድ፡ በብረክ።
እንበለ፡ ናፍቆ፡ ምንተኒ፡ በትሥልስትክ፡ አመልክ።
ወዓዲ፡ ታድሃን፡ ሕዝበክ፡ ወለአግብርቲክ፡ ትምሕክ።
እጼሊ፡ ኅቤክ፡ እግዚአ፡ በነግህ፡ ወበሰርክ።
- ፪፡ አአምን፡ በአብ፡ ዘኢቀደመ፡ በሀላዊ፡ እምወልዱ።
ወአአምን፡ በወልድ፡ ተወላዲ፡ ወለአቡሁ፡ የማነ፡ እዱ።
ወአአምን፡ በመንፈስ፡ ቅዱስ፡ ዘሠረጸ፡ እምአብ፡ ወዘኒሩት፡ ልማ
እስመ፡ አምላክነ፡ መሐሪ፡ ወለባሕረ፡ ጸጋ፡ ምዕላዱ። ዱ።
እንዘ፡ ፩፡ ሮቱ፡ ወእንዘ፡ ሮቱ፡ አሐዱ።
- ፫፡ መንክር፡ ግብርክ፡ እግዚአ፡ ወስብሐቲክ፡ ብዙኅ።
እምነ፡ ኖጽ፡ ባሕር፡ የዐቢ፡ ወአምንጥብ፡ ክረምት፡ ወአይኅ።
ምክሐ፡ ምእመናን፡ ክርስቶስ፡ ዘባሕርደክ፡ ርኅሩኅ።
እንግፈኒ፡ አምፀርየ፡ ወናዝዘኒ፡ እምላህ።
እስመ፡ አነ፡ ኃጥክ፡ ዘአልብየ፡ ምልሕ።
- ፬፡ እመንክራቲክ፡ ብዙኅ፡ ንስቲተ፡ እዜኑ።
ለዘያጸምዕ፡ በለብዎ፡ ወለዘይሰምዕ፡ በእዝኑ።
ምክሐ፡ ምእመናን፡ ክርስቶስ፡ ለልዑል፡ ኃይለ፡ የማነ።
እምነ፡ አማልክት፡ እግዚአ፡ ዘይትማሰለክ፡ መኑ።
ለዘውስተ፡ ጽልመት፡ ሕዝብ፡ ዘያበርህ፡ ስነ፡ ብርሃኑ።
ወበዕዕ፡ መስቀል፡ መዊቶ፡ ዘያድሃን፡ በኪኑ።
- ፭፡ ምክሐ፡ ምእመናን፡ ክርስቶስ፡ ለእግዚአብሔር፡ ጥበብ፡ ብዕለ።
ከመ፡ ይምሐረነ፡ ጽድቅ፡ ይጸውአን፡ በቃሊ።
ንኡ፡ ንቅረብ፡ ለሰሚዓ፡ ቅዱስ፡ ወንጌሉ።
ኩልክመ፡ አሕዛብ፡ ወአለ፡ በስመ፡ ትትዌክሉ።
ሰብሐዎ፡ በአድኅኖቱ፡ ወኅቤሁ፡ ሰአሉ።

- ፮፡ አጽምኡ፡ ካህናት፡ ተጋቢአክመ፡ ኅቡረ።
አመ፡ ይመጽኡ፡ ክርስቶስ፡ ከመ፡ ኢያጹርከመ፡ ገዢ።
ወመሐሩ፡ ሕዝብክመ፡ እንዘ፡ ታቀልሉ፡ ጸረ።
እምቃለ፡ ፈጣሪ፡ ልዑል፡ ዘክነ፡ ንኩረ።
እስመ፡ ዘይሚሀር፡ ጠዋየ፡ ይከውን፡ ኅሱረ።
- ፯፡ አጽምኡ፡ መኳንንት፡ ቃለ፡ ሃይማኖት፡ በንስሐ።
ጊዜ፡ ምጽአቱ፡ ለወልድ፡ ከመ፡ ትርክብ፡ ፍስሐ።
ወኢታድልወ፡ በፍትሕ፡ እንዘ፡ ትትዌክፉ፡ አምኃ።
አክነ፡ አድላዊ፡ ዘየሐምም፡ ብዙኃ።
እስመ፡ ምግባረ፡ ሰብእ፡ ኩሉ፡ ይሰጣሕ፡ አሚሃ።
- ፰፡ አጽምኡ፡ ሕዝብ፡ እንግረክመ፡ ጽድቅ።
ጊዜ፡ ምጽአቱ፡ አምላክ፡ ከመ፡ ያወርድ፡ መብረቀ።
ዕቡያንሂ፡ አሚሃ፡ ይለብሱ፡ ሰቀ።
በበቀል፡ ወቀቲል፡ እንበለ፡ ይግበሩ፡ ዕርቀ።
ዕድሜ፡ ሕይወቶመ፡ ዘሥጋ፡ እስመ፡ በንዝኅላል፡ ኃልቀ።
- ፱፡ ንትሉ፡ አሰሮ፡ ለክርስቶስ፡ ሊቀ፡ ካህናት።
አክነ፡ መምህረ፡ ጽድቅ፡ ውእቱ፡ እንተ፡ አልባቱ፡ ጽልሑት።
ወንቅረብ፡ ኅቤሁ፡ እንበለ፡ ትዝኅርት፡ በፍርሐት።
ከመ፡ ንስማዕ፡ ቃሉ፡ እንዘ፡ ርክሰኒ፡ ናቲሕት።
እስመ፡ እምኩሉ፡ ጌጋይ፡ የዐቢ፡ ትዕቢት።
- ፲፡ ምክሐ፡ ምእመናን፡ ክርስቶስ፡ ዘይቤለክመ፡ ስምኡ።
ድኩማነ፡ ዓለም፡ ኩልክመ፡ ወክቡዳነ፡ ጸር፡ ንዑ።
እስመ፡ አኦርፈክመ፡ አነ፡ ለእመ፡ ብየ፡ ትጸንኡ።
ወለእመ፡ ተኃሥሙ፡ ጽድቅ፡ መንገሥተ፡ ሰማያት፡ ትበኡ።
በምክረ፡ ረሲአን፡ ከንቱ፡ እምቃለ፡ መጸሕፍት፡ ኢትጸኡ።
- ፲፩፡ መንግሥተ፡ ዚአሁ፡ ወጽድቆ፡ እንዘ፡ ነኃሥሥ፡ መቅድመ።
በጸዊረ፡ መስቀል፡ ክቡድ፡ ወእንዘ፡ ንተልዎ፡ ፍጹመ።
በአሚንሂ፡ ወበጸሎት፡ ለእመ፡ ንመውእ፡ ዓለመ።
ጊዜ፡ ምጽአቱ፡ ክርስቶስ፡ ይከውነን፡ ቃውመ።
ወኢያረክበነ፡ ለዓለም፡ ሞተ፡ ነፍስ፡ ዳግመ።

፲፪፡ ማኅተመ፡ ጽድቅ፡ ክርስቶስ፡ ወትንቢተ፡ ኩሉ፡ ፍጻሜ።
 እመ፡ ንስእሎ፡ በአሚን፡ ይጸግወን፡ ሱላሚ።
 ምስሉ፡ መዓዛ፡ ጽድቅ፡ ክቡር፡ ወገግባረ፡ ወናይ፡ አበሚ።
 ወይፈትሐን፡ ዓዲ፡ እሙቃሐ፡ አበላ፡ ማሕመሚ።
 እስከ፡ ንበጽሕ፡ ኅቡ፡ ሕይወት፡ ወዘኢያኃልቅ፡ ዕድሜ።

፲፫፡ እሉ፡ ተወከሉ፡ በክርስቶስ፡ ወበእንቲአሁ፡ ዘሐሙ።
 ይመውዕዎ፡ ለሰይጣን፡ ወይሰድድዎ፡ በስሙ።
 እለሰ፡ ክህድዎ፡ ወኣርኩስዎ፡ ለደሙ።
 ስርየተ፡ አበላ፡ ወሣህል፡ እስከን፡ ለዓለም፡ አልበሙ።
 እስመ፡ መነንዎ፡ ለክቡር፡ ዘሕይወት፡ ማኅተሙ።

፲፬፡ እሉ፡ ተአምኑ፡ በክርስቶስ፡ ከመ፡ ቤዘወን፡ በትስብእቱ።
 ዲቢ፡ ዕፀ፡ መስቀል፡ መዋቶ፡ እንዘ፡ ሕያው፡ አምላክ፡ ውእቱ።
 ሰብሕዎ፡ ለአቡሁ፡ ወአዕኩትዎ፡ ሎቱ።
 ምስሉ፡ መንፈስ፡ ቅዱስ፡ ማኅየዋ፡ ዘሕንጻ፡ ልቡናን፡ ቤቱ።
 እስመ፡ ዐቢይ፡ ሣህሎ፡ ወብዙኅ፡ ምሕረቱ።

፲፭፡ ዘይገብር፡ ምሕረተ፡ ወዘየኃሥሥ፡ ጥበብ።
 እምን፡ ኩሉ፡ ብዕል፡ ዘየዐቢ፡ ረከበ።
 እስመ፡ ትፍሥሕተ፡ ልብ፡ ይእቲ፡ ጥበብ፡ እንተ፡ ታቀልል፡ ዕፀብ።
 ብዕልሰ፡ የኃልቅ፡ እመ፡ በድንጻዊ፡ ተዘግበ።
 ወለዘይትአመን፡ ቦቱ፡ ያኃዝን፡ ካዕብ።

፲፮፡ ጥበብ፡ ትሄይስ፡ እምብሩር፡ ወወርቅ።
 ከመ፡ ንዋየ፡ ዝዓለም፡ እስመ፡ ኢተኃልቅ።
 ዳዕመ፡ ኅብስት፡ ይእቲ፡ ለርኅብ፡ ወክዳናቲሁ፡ ለዕሩቅ።
 ወክብርት፡ በኩሉ፡ እስከን፡ ምዕራብ፡ ወምስራቅ።
 ወበጊዜ፡ ሐዊር፡ በፍኖት፡ ዘትከውን፡ ለስንቅ።

፲፯፡ አኃዊን፡ ኢናብዝኅ፡ በሊዓ፡ ሥጋ፡ ወኅብስት።
 ምስሉ፡ ሰቲየ፡ ወይን፡ ጽሩይ፡ እንበለ፡ መጠን፡ ወመስፈርት።
 እስመ፡ ጽጋብ፡ ወስካር፡ ያጸንኡ፡ ኃይል፡ ፍትወት።
 ዘነበረ፡ በንጽሕ፡ እንዘ፡ ይተግህ፡ በጸሎት።
 ፍቀረ፡ ክርስቶስ፡ ምእመን፡ እስከ፡ ይወድቅ፡ በሐኪት።

፲፰፡ አኃውዮ፡ ንትፋቀር፡ በልቡና፡ ወኦኮ፡ በአፍ።
 በከመ፡ ይቤ፡ ዮሐንስ፡ ሐዋርያ፡ ወንጌል፡ ትሩፍ።
 ወጳውሎስኒ፡ ክቡር፡ ወዘሃይማኖት፡ ፍልሱፍ።
 እምሁከተ፡ በቀል፡ ወቂም፡ እንዘ፡ ሕሊናን፡ ናዓርፍ።
 እስመ፡ ፍቅር፡ ተዓቢ፡ እምብሩር፡ አእላፍ።

፲፱፡ እግዚአ፡ ምግባራት፡ ይእቲ፡ ፍቅር፡ ወንግሥተ፡ ኩሉ፡ ነገር።
 ወዘተወከለ፡ ባቲ፡ ዘኢይረክቦ፡ ኃሳር።
 እመኒ፡ ዘይነብር፡ በቤት፡ አው፡ ፍኖተ፡ ዘየሐውር።
 ወዓዲ፡ ውስተ፡ ባሕር፡ ለእመ፡ ተሰብረ፡ ሐመር።
 ትኬልል፡ በረድኤታ፡ ከመ፡ ወልታ፡ ሥሙር።

፳፡ ኢትንብብ፡ ጽሩዓ፡ ንባብ፡ እንበለ፡ ጊዜሁ።
 እስመ፡ ኢይበቀሩ፡ ለኮ፡ ወኢለሰማኒሁ።
 አላ፡ ተዓገሥ፡ እምነቢብ፡ እስከ፡ ሶብ፡ ይትረክብ፡ ፍሬሁ።
 እመሰ፡ ዘይትናገር፡ በከመ፡ ለመደ፡ አፋሁ።
 ይትፈደይ፡ ኃሣረ፡ ወይበዝኅ፡ ዕዳሁ።

፳፩፡ ንዕቀብ፡ ሕሊናን፡ እምጽልሑት፡ ወተቀይሞ።
 እንዘ፡ ሀሎ፡ ብን፡ ቃለ፡ ፍትሕ፡ ማዕከሌን፡ ቀዊሞ።
 ወኢበመኑሂ፡ እምሰብእ፡ ኢርቱዕ፡ በነገረ፡ ሐሰት፡ አሕስሞ።
 እመሰ፡ አሕስምን፡ በሕሳዌ፡ እስመ፡ ለልዑል፡ ኢይኤድሞ።
 እምነቢብ፡ ሐሰት፡ ወጽልሑት፡ ይሄይስ፡ አርምሞ።

፳፪፡ ወኩሉ፡ ግብር፡ በዝዓለም፡ ዘይትገበር፡ በበዕለት።
 ቦሐስት፡ ዘይሄይስ፡ እምጽድቅ፡ ወጽድቅኒ፡ ዘየአኪ፡ እምሐሰት።
 ወቦ፡ ነቢብ፡ በመዓት፡ ዘይሄይስ፡ እምአርምሞ፡ ወትፎግሥት።
 አርምሞኒ፡ ወትፎግሥት፡ ዘየአኪ፡ እምነቢብ፡ በመዓት።
 ወቦ፡ ሞት፡ ዘይሄይስ፡ እምሕይወት፡ ወሕይወትኒ፡ ዘየአኪ፡ እሞት።

፳፫፡ ወምንተ፡ እሬሲ፡ እግዚአ፡ እስመ፡ ግብረ፡ ሥጋ፡ አዕፀበኒ።
 እመ፡ ተናገርኩ፡ ጽድቅ፡ ሰብአ፡ ዛቲ፡ ዓለም፡ ጸልኡኒ።
 ወከመ፡ ኢይንብብ፡ ሐሰተ፡ ኩነኔ፡ ዚአከ፡ አፍርሐኒ።
 ሊተሰ፡ እምኩሉ፡ ዘይመስለኒ።
 እምነቢብ፡ ሐሰት፡ ወጽድቅ፡ አርምሞ፡ ይሴኒ።

፳፬፡ ዝንቱሂ፡ ኢይሣይ፡ እስመ፡ ኢኮነ፡ እሙን።
 በከመ፡ ይቤ፡ በወንጌል፡ መድኃኔ፡ ዓለም፡ ተስፋነ።
 ያወጽእዎ፡ አፍኦ፡ ከመ፡ ኢይርኣይ፡ ብርሃን።
 ለወርቀ፡ እግዚአብሔር፡ ክቡር፡ በግብ፡ አርምሞ፡ ዘደፈነ።
 እንዘ፡ ይትኦጸፍ፡ እሳተ፡ ኅብ፡ ይነብር፡ ነኑነ።

፳፭፡ ወበእንተዝ፡ እጼሊ፡ ኅብ፡ አምላኪዮ፡ ጸሎተ።
 እንበለ፡ ቃለ፡ ጽድቅ፡ ማኅዋዊ፡ ከመ፡ ኢይንብብ፡ ሐሰተ።
 መላእክተ፡ ጽልመት፡ ወሞት፡ ሶብ፡ መሰጡኒ፡ ግብተ።
 በቅድመ፡ ክርስቶስ፡ ንጉሥ፡ ኢይክድኑኒ፡ ሐፍረተ።
 ወኢያልብሱኒ፡ ዓዲ፡ ዘጽልመት፡ እሳተ።

፳፮፡ ወዝኩሉ፡ ግብረ፡ ዝንቱ፡ ዓለም፡ ከንቱ።
 እምቃሕተ፡ ዐሐይ፡ በምድር፡ ዘይትገበር፡ ለለዕለቱ።
 ይቤ፡ መክብብ፡ በመዋዕለ፡ ክብሩ፡ ወመንግሥቱ።
 ሞተ፡ ጠቢባንሂ፡ ወኣብዳን፡ ከመ፡ አሐዱ፡ ውኡቱ።
 እስመ፡ በመቃብር፡ ነሎሙ፡ ዕሩያን፡ እሙንቱ።

፳፯፡ ምንት፡ ውኡቱ፡ ሰብኦ፡ ዘይጽሕቅ፡ በእንተ፡ ሥጋሁ፡ ጥቀ።
 እንዘ፡ የአምራ፡ ለሊሁ፡ ከመ፡ ተኅልፍ፡ ጥዩቀ።
 ኢይገብእሂ፡ ዘሐረ፡ ወኢይትነሣእ፡ ዘወድቀ።
 እስመ፡ አቦረቶ፡ ዓለም፡ ወከልኦቶ፡ ጸዲቀ።
 አኮኑ፡ አብደ፡ ዝንቱ፡ እምጸጋ፡ ክርስቶስ፡ ዘርኅቀ።

፳፰፡ ኦሰብእ፡ ለምንት፡ ትትዔበይ፡ በዘጊብ፡ ንዋይ፡ ዘዩኃልፍ።
 መሰለከነ፡ በልብኩ፡ ዘይበቀኡክ፡ ለዘልፍ።
 አኮኑ፡ ዘዩኃድገክ፡ እስከ፡ ዕራቀክ፡ ትተርፍ።
 ወእመ፡ አኩ፡ ተኅድን፡ ሶብ፡ ተመተርኩ፡ በሞተ፡ ግብታዊ፡ ሰይፍ።
 እስመ፡ ነሎ፡ ከመ፡ ጽጌ፡ ረዳ፡ ፍጡነ፡ ይትነገፍ።

፳፱፡ ነስሐ፡ ይእዜ፡ ሰብኦ፡ ዛቲ፡ ዓለም፡ ነሎከመ።
 እንዘ፡ ትዚኃሩ፡ ወትረ፡ በብዕልክመ።
 ሃይማኖተ፡ ወንጌል፡ ቅዱስ፡ እለ፡ ከህድክመ።
 አመ፡ ምጽኢቱ፡ ለክርስቶስ፡ አሌ፡ ለክመ።
 እንበለ፡ ንስሐ፡ ድኒን፡ እስመ፡ አልብክመ።

፴፡ ለምንት፡ እፈርህ፡ እምእንለ፡ እመሕያው፡ ዝንቱ።
 ለእመ፡ ኮነ፡ ከመዝ፡ ዘኢያድኅኖ፡ ንብረቱ።
 ወእንዘ፡ ይብለን፡ ኢትፍርህ፡ ሶብ፡ ይበዝን፡ ክብረ፡ ቤቱ።
 እስመ፡ ኢይትቀበር፡ ምስሌሁ፡ ብዕለ፡ ሥጋሁ፡ ወትዝነርቱ።
 ወኢይትረከብ፡ ዳግመ፡ በሲኦል፡ ትፍሥሕቱ።

፴፩፡ እግዚእነሂ፡ ይቤለኡ፡ ኢትፍርህሞ።
 ለእመ፡ ተንሥኡ፡ ሰብኦ፡ ከመ፡ ይቅትሉ፡ ሥጋክመ።
 ቀቲል፡ ነፍስሰ፡ ምንተኒ፡ ኢይትከሃሎ።
 ለሥጋ፡ መዋቲት፡ ባሕቲታ፡ ይሣቅይዋ፡ ዳዕመ።
 ወበእንተዝ፡ እስከ፡ ሞት፡ በተስፋ፡ ዚአዩ፡ አርምመ።

፴፪፡ ፍርሐትሰ፡ ወረዓድ፡ ይደልወነ፡ ወትረ።
 ለሕያውት፡ ነፍስ፡ ምስለ፡ ሥጋ፡ እምዘይቀትል፡ ኅቡረ።
 ወበሰይፈ፡ እሳት፡ በሊሁ፡ እስመ፡ ይክል፡ መቲረ።
 እንዘ፡ ያለብስ፡ ሐፍረተ፡ ወእንዘ፡ ይከድን፡ ኃሣረ።
 ወውስተ፡ ገሃንም፡ ያጸውር፡ ምንዳቤ፡ ወጸዕረ።

፴፫፡ ስግዳ፡ ለእግዚአብሔር፡ በአዕደ፡ መቅደሱ።
 ሰብሕዎ፡ በክሂሎቱ፡ ወእእኩትዎ፡ ለንግሡ።
 ብፁዕ፡ ብእሲ፡ ዘተምህረ፡ ስብሐተ፡ ክርስቶስ፡ እምናዕሱ።
 ወዘኢይትሚከህ፡ በምግባሩ፡ እንዘ፡ ይትኦመን፡ በርእሱ።
 እስመ፡ ማየ፡ ሕይወት፡ ክቡር፡ ይውኅዝ፡ እምክርሙ።

፴፬፡ አኃውዮ፡ ንኅሥሥ፡ እምነ፡ ቅዱሳት፡ መጻሕፍት።
 ለእመ፡ ይደሉ፡ ሰጊድ፡ እንበለ፡ ፈጣሪ፡ ለፍጥረት።
 አላ፡ ባሕቱ፡ ይቤ፡ እግዚአብሔር፡ ንጉሠ፡ ነሎ፡ ነገሥት።
 ኢይዑብ፡ ለባዕድ፡ ክብርዮ፡ ወስብሐትዮ፡ ለጣዖት።
 እስመ፡ ሎቱ፡ ለባሕቲቱ፡ ይደሉ፡ አምልኮ፡ ወስግደት።

፴፭፡ እግዚአብሔርሰ፡ መንፈስ፡ ውኡቱ፡ ወረቂቅ፡ ቅዱስ።
 ይስግዳ፡ ሎቱ፡ ይደሉ፡ በአብራኩ፡ ልብ፡ ወመንፈስ።
 ይቤ፡ እግዚእነ፡ መምህረ፡ ወንጌል፡ ክርስቶስ።
 ሰጊድሰ፡ በአምሳል፡ ዘኢተረክበ፡ እምቃለ፡ ብሉይ፡ ወሐዲስ።
 ጌጋይ፡ ውኡቱ፡ በኩሉ፡ ወጣዖት፡ ርኩስ።

፴፯፡ ወበእንተዝ፡ ይቤ፡ እግዚአብሔር፡ በምንት፡ አስተማሰልክ
ሙኒ፡ አክብዳን።

ወበመነ፡ አስተአረይክሙኒ፡ እምነ፡ ፍጡራን።
በአምሳላትነ፡ በዘኢይነብቡ፡ በሃማን።
ወበአሰባንነ፡ በዘኢይሰምዑ፡ ጽሙማን።
ወኩሉ፡ ዘይሰግድ፡ ለምስል፡ አኮነ፡ ይከውን፡ ንብረቱ፡ በሲኦል፡
ወደይን።

፴፯፡ ወዓዲ፡ ይቤ፡ እምነ፡ ፍጡራን፡ አልቦ፡ ዘይትማሰለኒ።
እምእምሳላትሂ፡ ወግልፍዋት፡ ወአልቦ፡ ዘይትኤረየኒ።
ባሕቱ፡ ግብረ፡ እደውየ፡ ኩሉ፡ ይሴብሐኒ።
ወለመንግሥትየ፡ ልዑላዊት፡ በፍርሐት፡ ይገኒ።
ወአነሂ፡ በምሕረትየ፡ ለኄራን፡ አሠኒ።

፴፰፡ ሙሴ፡ አርአየ፡ ምስጢረ፡ ሥጋዊ፡ በኦሪት።
ድኅረ፡ ጸአቶሙ፡ ለእስራኤል፡ አመ፡ ይገብረ፡ ለታቦት።
ወእንተ፡ አብአ፡ ውስቴታ፡ ትእዛዙ፡ አምላክ፡ ቅድስት።
ወይአቲ፡ ፲ቱ፡ ቃላት፡ ንጽሕት።
ዝውእቱ፡ ዘክርስቶስ፡ አምሳሉ፡ ትስብእት፡ ወመለኮት።

፴፱፡ ግዙፋን፡ ክሳድ፡ አይሁድ፡ ሶቡ፡ አብዝኑ፡ ሐክተ።
እንዘ፡ ይጸእሉ፡ ሕጎ፡ ከመ፡ ሰአረ፡ ሰንበተ።
ይቤ፡ ኢመጸእኩ፡ እስከር፡ ኦሪት፡ ወዘነበያተ።
አላ፡ እፈጽም፡ ምሳሌ፡ ኦሪት፡ ወዘነበያት፡ ትንቢተ።
እመሰ፡ ኢመጽአ፡ ክርስቶስ፡ እምኢበቀዑ፡ ምንተ።
ወትንቢቶሙኒ፡ በእንቲአሁ፡ እምኮነት፡ ብጥልተ።

፵፡ ምክሐ፡ ምእመናን፡ ክርስቶስ፡ ሕንጻ፡ ቤት፡ መቅደስ፡ በሥጋ።
ለምግባረ፡ አሚን፡ ኃይላ፡ ወለማየ፡ ሕይወት፡ አይጋ።
አመ፡ ዲቦ፡ መስቀል፡ ፈጸማ፡ ለትንቢተ፡ ኦሪት፡ ወሕጋ።
አርኃው፡ ሎሙ፡ በደሙ፡ ለአንቀጸ፡ ገነት፡ መንሰጋ።
ይባአ፡ ውስቴታ፡ ብዙኃን፡ እንግልጋ።

፵፩፡ በእንተ፡ ሰንበት፡ እነግር፡ ወይአቲ፡ ቀዳሚት።
በቃለ፡ ፈጠራ፡ ልዑል፡ ከመ፡ ይእቲ፡ ክብርት።

እስመ፡ አሰረፈ፡ ባቲ፡ እምገቢረ፡ ኩሉ፡ ፍጥረት።
ዮምሰ፡ በሥርዓተ፡ ወንጌል፡ ስብሐት።
ሠርዓ፡ ለነ፡ ሀዩንቲሃ፡ ለሰለተ፡ እሁድ፡ ቡርክት።

፵፪፡ ለምንት፡ ንጸሙ፡ እንዘ፡ ኢንሴቡ፡ በልማድ።
ቃለ፡ መምህርነ፡ ክቡር፡ ወመድኅነ፡ ዓለም፡ ወልድ።
አኮነ፡ በእንተዝ፡ ይሚህረነ፡ በገሃድ።
መናፍስተ፡ ጽልመት፡ አጋንንት፡ እለ፡ ተመሰሉ፡ በዘመድ።
እንበለ፡ ጸሎት፡ ወጸም፡ ከመ፡ ኢወጽአ፡ በባዕድ።

፵፫፡ አኦኃውየ፡ አኮ፡ ጸም፡ እምኅብስት፡ ወማይ።
ዘይፈቅድ፡ እምኒነ፡ እግዚአብሔር፡ ፀቢይ።
እንበለ፡ ንጽሐ፡ ልብ፡ ወርኅራኄ፡ ወምግባረ፡ ኩሉ፡ ሠናይ።
እንዘ፡ ንገብር፡ ምሕረተ፡ ዘምስለ፡ ንስሐ፡ ውዑይ።
ዝኬ፡ ውእቱ፡ ጸም፡ በቅድመ፡ ክርስቶስ፡ ኅሩይ።

፵፬፡ እበዊነስ፡ ዘሠርዑ፡ ለሥርዓተ፡ አጽዋም፡ ኩሉ።
እምነ፡ ክረምት፡ ወኃጋይ፡ በበመዋዕሉ፡ ወክፍሉ።
እስመ፡ በመባልዕት፡ ይጸንዕ፡ ለፍትወተ፡ ሥጋ፡ ሥልጣነ፡ ኃይሉ።
ከመ፡ ይድክም፡ ኃይለ፡ ፍትወት፡ ዘይውዲ፡ በነበልባሉ።
ዘእንበለዝ፡ አልቦ፡ ዘሠራዕነ፡ በእንተ፡ ጸም፡ ይብሉ።

፵፭፡ በጸዊመ፡ መብልዕ፡ ወመስቲ፡ እመ፡ ተኃትመ፡ አፉከ።
ወበኅዲገ፡ ቅብዕ፡ ጥሉል፡ እስከ፡ ይስሕክ፡ ጉርዒከ።
ስምዖኬ፡ ለኢሳይያስ፡ በቃለ፡ ትንቢቱ፡ ዘይቤለከ።
እምነ፡ ጉሕሉት፡ ወቂም፡ አመ፡ ኢተመይጦ፡ ልብከ።
እስመ፡ አብድ፡ አንተ፡ ምንት፡ ረባሁ፡ ለጸምከ።

፵፮፡ ወዓዲ፡ ስምዖ፡ ለኢሳይያስ፡ ነቢየ፡ ሶቤ።
እንዘ፡ ታግዕሩ፡ ነዳያነ፡ ወቃርእይዎሙ፡ ምንዳቤ።
ዘከመዝ፡ ጸም፡ ኢኃረይኩ፡ እግዚአብሔር፡ ይቤ።
ጸምሰ፡ ሥሙር፡ በኅቤየ፡ ከመ፡ ጼና፡ ስኒን፡ ወከርቤ።
በገቢረ፡ ሠናይ፡ ዘጸንዓ፡ ለይግበር፡ ይባቤ።

፵፯፡ እግዚእነሂ፡ በወንጌል፡ ይምህረነ፡ ክሙተ።
እለ፡ በአፍአ፡ ዘጸሙ፡ ከመ፡ ኢረከቡ፡ ምንተ።

እንበለ፡ በገሃድ፡ ወእፍ፡ እስመ፡ ኢረሰይም፡ ከቡተ።
ከመ፡ ቃለ፡ ወንጌል፡ ቅዱስ፡ ዘይኤገዝ፡ ዘንተ።
ዳእመ፡ ዘውዳሴ፡ ከንቱ፡ ክብር፡ ኮኖመ፡ ዕሢተ።

፱፻፺፡ እመሰ፡ አኃውዮ፡ ከመዝ፡ ኮነ።
ለጸዊመ፡ ፍትወት፡ እኩይ፡ ናጥብሶ፡ ሕሊናነ።
እምሐልዮ፡ በቀል፡ ወቂም፡ እንዘ፡ ነዐቅብ፡ ልብነ።
ዕለተ፡ ሰንበትሂ፡ ቅድለተ፡ እመ፡ አክባርነ።
አሚሃ፡ ይገውህ፡ ብርሃንነ፡ ወይጦርጽ፡ ጽድቅነ።

፱፻፺፡ ወላድያኒነ፡ ቀደምት፡ ድኅረ፡ በኃጢአት፡ ወድቁ።
ፍትሐ፡ ሞት፡ መጽአመ፡ ላዕለ፡ አዳም፡ ወደቂቁ፡
እስከነ፡ ወረዳ፡ ውስተ፡ ሲኦል፡ ዘኢይትረከብ፡ ዕመቁ።
ኖህ፡ ወአብርሃም፡ ወካልኦነሂ፡ እለ፡ በግብርመ፡ ተዓውቁ፡
ኢበቀዮመ፡ ጽድቆመ፡ ዳዕመ፡ በመርገመ፡ አዳም፡ ወሞት፡
ከሎመ፡ ተሐንቁ።

፱፻፺፡ አብዳን፡ ይበክዩ፡ በከ፡ ወይነጽዩ፡ ስእርቶመ።
ለአዝማዲሆመ፡ በሥጋ፡ ሶዘ፡ ይሬእዩ፡ በድኖመ።
ከመ፡ ሞተ፡ ሥጋ፡ ኢይተርፍ፡ እንዘ፡ የአምር፡ ልቦመ።
ባሕቱ፡ ይላህው፡ ወይኬልሐ፡ በልማድ፡ ከሎመ።
ብፀዓንሰ፡ እለ፡ ይበክዩ፡ ተዘኪሮመ፡ ከነኒ፡ በእንተ፡ ነፍሶመ።

፱፻፺፡ ሶዘ፡ ተዓደው፡ አዳም፡ ትእዛዘ፡ አምላክ፡ ልዑል።
እግረ፡ ስእብናዑ፡ ተክሲሮ፡ በማዕሰረ፡ ሞት፡ ኃብል።
በሰንዱነ፡ መርገም፡ ተገንዝ፡ ወተቀብረ፡ በሲኦል።
ምስለ፡ ብእሲቱ፡ ወደቂቁ፡ እንዘ፡ ያውእዮ፡ ነበልባል።
አልዐ፡ ዘክህለ፡ ያድኅኖ፡ እንበለ፡ እግዚኡ፡ አማኑኤል።

፱፻፺፡ በጽድቅ፡ ርእሰክመ፡ ቀዊመ፡ እለ፡ ትጽሕቁ።
እምጸጋ፡ መድኅኒት፡ ኀበ፡ ደይን፡ ከመ፡ ኢትደቁ።
መጽሐፈ፡ ብሉይ፡ ወሐዲስ፡ በእስቲሐይጽ፡ ጠይቁ።
እንበለ፡ ክርስቶስ፡ በርእሶመ፡ ከመ፡ ኢድኅነ፡ በሕቁ።
አብርሃም፡ በምግባሩ፡ ወኢዮብ፡ በጽድቁ።

፱፻፺፡ አልዐ፡ ዘክህለ፡ አሐዱ፡ እምደቂቀ፡ አዳም።
ከመ፡ ያድኅን፡ ነፍሱ፡ በገበረ፡ ምጽዋት፡ ወጸም።
ባሕቱ፡ ወረዳ፡ ከሎመ፡ ውስተ፡ ባሕረ፡ ሲኦል፡ ግሩም።
እስከ፡ አመ፡ ይመጽእ፡ ክርስቶስ፡ በሥጋ፡ ወደም።
እስመ፡ ኢተረክቦ፡ ድኅኒን፡ በካልእ፡ ስም።

፱፻፺፡ አልዐ፡ ካልእ፡ ስም፡ ወአልዐ፡ ካልእ፡ ፍኖት።
እንበለ፡ ስመ፡ ለክርስቶስ፡ ዘይወስድ፡ ኀበ፡ ሕይወት።
ወኢበመኑሂ፡ እምፍጡራን፡ ኢይትረኃው፡ አናቅጸ፡ ገነት።
ኢበቅዱሳን፡ አበው፡ ወኢበመላእክት፡
እስመ፡ ሎቱ፡ ለባሕቲቱ፡ ዘሰማይ፡ መንግሥት።

፱፻፺፡ ቤዛ፡ ከሉ፡ ይቤሶነ፡ ኀው፡ መጸሕፍተ።
ዘእንበሌነ፡ በካልእ፡ እመ፡ ትረክቡ፡ ሳሕተ።
እማንቱስ፡ በአማን፡ ይከውናኒ፡ ሰማዕተ።
ለደቂቁ፡ አዳም፡ በመስቀል፡ ከመ፡ ጥዕምኩ፡ ሞተ።
ላዕለ፡ ግብርናት፡ ወሞት፡ ይረክቡ፡ አሶተ።

፱፻፺፡ እምብዕለ፡ ሥጋ፡ ኃላፊ፡ ይኒይስ፡ ቃልከ።
እስመ፡ ብዕለ፡ ነፍስ፡ ያሴኝ፡ እንዘ፡ ይምህር፡ ግብረከ።
ምክሐ፡ ምእመናን፡ ክርስቶስ፡ ዘኢየሓልቅ፡ ኃይልከ።
ዕቀባኒ፡ ወትረ፡ ነግሀ፡ ወሰርከ።
ወበጊዜ፡ ኀልፈት፡ በነፍስ፡ ከነኒ፡ ምስማከ።

፱፻፺፡ ኢትተወከፊ፡ ነፍስዮ፡ እመ፡ ነገሩከ፡ ቃለ።
እምጸጋ፡ ክርስቶስ፡ ዘይሌኢ፡ ወዘያሴኝ፡ ብዕለ።
ዘዓለመ፡ ሥጋ፡ ኃላፊት፡ እንተ፡ ታመጽእ፡ በቀለ።
እመሰ፡ ትመውኒ፡ እንዘ፡ ትትጋደሊ፡ ገድለ።
አመ፡ ዕለተ፡ ደይን፡ ግርምት፡ ትረክቡ፡ ኀህለ።

፱፻፺፡ ሰብሕዎ፡ ለክርስቶስ፡ ወንግሩ፡ ዕበያቲሁ።
እለ፡ ትሰምዑ፡ ቃሎ፡ ወመጸሕፍቲሁ።
ዕቀብዎ፡ በጥንቃቄ፡ ወኢታንትጉ፡ እምኒሁ።
በተጓሕልዎሂ፡ ለረባሕ፡ ኢትወስኩ፡ ላዕሌሁ።
እስመ፡ ሕሊና፡ ሰብእ፡ ከሉ፡ የአምር፡ ለሊሁ።

፶፱፡ ንትሉ፡ አሰርሙ፡ ለአባዊን፡ ቀደምት።
 አለ፡ አሥመርም፡ በኩሉ፡ ለእግዚአብሔር፡ ንጉሠ፡ ስብሐት።
 አብርሃም፡ በአሚን፡ ወኢዮብ፡ በትዕግሥት።
 ወካልአንሂ፡ በገድሎሙ፡ ወበደሞሙ፡ ሰማዕታት።
 ንሕንሂ፡ ከማሆሙ፡ ናሥምሮ፡ በኩሉ፡ ሰዓት።

፷፡ አስኩ፡ ንዘከር፡ እምቃለ፡ መጻሕፍት፡ ንስቲተ።
 እንበለ፡ ክርስቶስ፡ በካልእ፡ እመ፡ ንረክብ፡ ምሕረተ።
 ወእመቦ፡ ዘሐመ፡ በእንቲአን፡ ወዘሰረብ፡ ሐሞተ።
 ዝንቱስ፡ ይትርፍ፡ ወይኩን፡ ተውኔተ።
 ወቦ፡ እምቅዱሳን፡ ዘሰአሉ፡ ያውርዱ፡ መዓተ።

፷፩፡ እምላክነሱ፡ ውሉቱ፡ ዘእኅዘ፡ ዓለመ፡ ብሕራኅ።
 ተሰብአ፡ በእንተ፡ ሰበአ፡ ከመ፡ ያድኅን፡ ሕዝብ፡ በሥጋዊሁ።
 ወተርግዘ፡ በኩናት፡ ያንጽሐን፡ በደመ፡ ንቦሁ።
 ወሊቀ፡ ካህናትሂ፡ ከዊኖ፡ ሰአለ፡ ምሕረተ፡ ኀብ፡ እቡሁ።
 ወተትሕተ፡ እስከዝ፡ በእንቲአን፡ እንዘ፡ ዕሩይ፡ ምስለ፡ አብ፡ በሀ
 ላዊሁ።

፷፪፡ ሰማይ፡ ወምድር፡ ወኩሉ፡ ፍጥረት፡ የኃልፋ።
 ቃሉሱ፡ ለክርስቶስ፡ ይነብር፡ ለዝሉፋ።
 ዘሰአለ፡ ኀብ፡ አብ፡ እንዘ፡ ምሕረተ፡ ያሴፋ።
 ወኩሉ፡ ቃል፡ ዘተጽሕፈ፡ በበምዕራፋ።
 እስመ፡ ለሊሁ፡ ሕይወት፡ ለልዑል፡ ሱታፋ።

፷፫፡ እንግሊኩ፡ አዕይንትየ፡ መንገል፡ ቅዱሳን፡ አድባር።
 እንዘ፡ አኃሥሥ፡ ድኒን፡ ዘበዚአሆሙ፡ ምግባር።
 ባሕቱ፡ እምኒሆሙ፡ ሶብ፡ ኃጣእኩ፡ በዘእድኅን፡ እምጸእር።
 ኃሠሥኩ፡ ረድኤተ፡ ኃብ፡ ክርስቶስ፡ ክቡር።
 እስመ፡ ዘእንበሌሁ፡ አልቦ፡ ዘይረድኦ፡ በሰማይ፡ ወበምድር።

፷፬፡ ከግብ፡ ብርሃን፡ ክርስቶስ፡ ወልዱ፡ ለብሩክ።
 የአክለን፡ ለድኒን፡ እንበለ፡ ሕጻኑ፡ ወተውሳክ።
 በከመ፡ ይቤ፡ ነቢይ፡ አኮ፡ ተንበል፡ ወእኮ፡ መልአክ።

አላ፡ ለሊሁ፡ እግዚእን፡ ዘይነብር፡ በፈለክ።
 ይመጽኦ፡ ወያድኅንን፡ እምሰይጣን፡ ድሩክ።

፷፭፡ ኢትትአመነ፡ በመላእክት፡ ወኢበእንለ፡ እመሕያው።
 እስመ፡ አልቦ፡ ዘያድኅን፡ እምነ፡ ቅዱሳን፡ አበው።
 ወኢመላእክት፡ ትጉሃን፡ በኩሉ፡ ፍናው።
 ድኒንሱ፡ ፍጹም፡ ዘይትረክብ፡ በእምላክን፡ ሥግው።
 እስመ፡ ውሉቱ፡ መድኃኒት፡ ወተሰፋ፡ ድልው።

፷፮፡ መንበሩሂ፡ ከሩባውያን፡ ኢሰአሉ፡ ሊተ።
 ወበመላእክትኒ፡ ትጉሃን፡ ኢረከብኩ፡ በቀኔተ።
 እምቅዱሳንሂ፡ ክቡራን፡ ስዕንኩ፡ ረድኤተ።
 እንበለ፡ ክርስቶስ፡ በመስቀል፡ በእንቲአየ፡ ዘሞተ።
 ወአለ፡ የአምኑ፡ ቦቱ፡ ኩሎሙ፡ ይርከቡ፡ ሕይወተ።

፷፯፡ ኢሳይያስኒ፡ ገሃድ፡ ወበእንተዝ፡ ይብለን።
 አቦ፡ ምእመናን፡ አብርሃም፡ ጥቀ፡ ኢየሐምረን።
 እስራኤልኒ፡ ወካልአን፡ አበው፡ ኢይዜክኑ።
 አንተሱ፡ እግዚእ፡ በአማን፡ አቡን።
 በሞተ፡ አሐዱ፡ ወልድኩ፡ እስመ፡ ቤዘውከን።

፷፰፡ አሌ፡ ሎሙ፡ ለውሉድ፡ እለ፡ ይርሕቁ፡ እምሕግ።
 ይቤ፡ እግዚአብሔር፡ ለሕዝቡ፡ እስራኤል፡ አዕሩግ።
 እስመ፡ ይገብሩ፡ ምክረ፡ ተጋቢአሙ፡ በደርግ።
 ከመ፡ ይትከየዱ፡ ኪዳን፡ በምክረ፡ ዲያብሎስ፡ ጸዋግ።
 ወበእንተዝ፡ የኃልቁ፡ ወትመትሮሙ፡ ኤረግ።

፷፱፡ አልቦ፡ ካልእ፡ ተሰፋ፡ ወአልቦ፡ ካልእ፡ ኪዳን።
 እምአዳም፡ እስከ፡ ሙሴ፡ ዘተውሀብ፡ ለቅዱሳን።
 ወኢለነቢያት፡ እለ፡ ነበሩ፡ እምነ፡ ቤርሰባሕ፡ እስከ፡ ዳን።
 እስመ፡ ኢክህለ፡ ሰብአ፡ ይትቤዘወነ፡ እምደይን።
 እንበለ፡ ክርስቶስ፡ እግዚእን፡ በኩሉ፡ ዘመን።

፸፡ ጽንኢ፡ ነፍስየ፡ በጸጋ፡ ክርስቶስ፡ በኢስሳሌ።
 ወኢትወልጦ፡ ልብኪ፡ እንዘ፡ ትትከወፈ፡ ማኅጉሌ።

ወአመ፡ ይመጽእ፡ በግርማ፡ ከመ፡ እ.ይርከብኪ፡ ወይሌ።
አስመ፡ አልቦ፡ ድኒን፡ በፃማ፡ ካልአን፡ ወበትንባሌ።
ለጡቱ፡ ለባሕቲቱ፡ ይደሉ፡ አከብቲት፡ ወሃሌ።

፪፩፡ እነክር፡ ትዕግሥቶ፡ ለክርስቶስ፡ እንዘ፡ እዜከር ሕማሞ።
ሶቦ፡ ጸፍቶ፡ ወዓሊ፡ በዓውደ፡ ጲላጦስ፡ ቀዊሞ።
ወሊቀ፡ ካህናት፡ ምስለ፡ ሕዝብ፡ ይጸእሉ፡ ስሞ።
ወበእንቲአን፡ ለሰብእ፡ ዘከአው፡ ደሞ።
እስመ፡ መሐሪ፡ ውእቱ፡ የሀበነ፡ ሰላሞ።

፪፪፡ ሶቦ፡ አሕመሞ፡ ቅንዋት፡ ዲቦ፡ ዕፁ፡ መስቀል፡ ገዓረ።
እስከ፡ ትወጽእ፡ መንፈሱ፡ ወጥቀ፡ ተጽዕረ።
ምክሐ፡ ምእመናን፡ ክርስቶስ፡ እስመ፡ አበሳነ፡ ጸረ።
ሞአ፡ ለሞት፡ በመስቀሉ፡ ወሥልጣኖሂ፡ ሰአረ።
ኃጢአትነሂ፡ ወክሉ፡ ዕዳነ፡ ምስሌሁ፡ ተቀብረ።

፪፫፡ ዮሴፍ፡ ወኒቆዲሞስ፡ አሞነ፡ መስቀል፡ ያውርድዎ።
ለጲላጦስ፡ መስፍን፡ እንበለ፡ ፍርሐት፡ ሰአልዎ።
ወእንዘ፡ ያነክሩ፡ ሞቶ፡ በጸዓዳ፡ ሰንዱን፡ ገንዝዎ።
በኀዘንሂ፡ ወትካዝ፡ ከም፡ ይቅብሩ፡ ወሰድዎ።
ወበዘአውቀሮ፡ ዮሴፍ፡ ውስተ፡ ዝኅር፡ ሐዲስ፡ ወደይዎ።

፪፬፡ ሶቦ፡ ተንሥኡ፡ ክርስቶስ፡ ኅዝርው፡ ጸላእቱ።
መልአከ፡ ጽልመት፡ ዲያብሎስ፡ ምስለ፡ እሊአሁ፡ ወሰራዊቱ።
ምእመንስ፡ ብፁዓዊ፡ ወዘተአመነ፡ ቦቱ።
ይትፌሣሕ፡ አመ፡ ትንሣኤ፡ ወይትመክሕ፡ በአድኅኖቱ።
እስመ፡ ዐቢይ፡ ተስፋሁ፡ ወጽኑዕ፡ ትውክልቱ።

፪፭፡ አመ፡ የዐርማ፡ ሰማየ፡ ለሐዋርያት፡ ይቤሎሙ።
እምኢየሩሳሌም፡ ኢትጸኡ፡ ወተዓገሡ፡ አንትሙ።
ጳፊቅሊጦስሃ፡ መንፈሱ፡ ጽድቅ፡ እስከ፡ እፌኑ፡ ለክሙ።
ወሶቦ፡ መጽአ፡ ውእቱ፡ ከሉሎ፡ ይሚሀረክሙ።
ወዓዲ፡ በጊዜ፡ ምንዳቤ፡ ያጸንዓክሙ።

፪፮፡ አመ፡ ትመጽእ፡ በግርማ፡ ምስለ፡ መላእክት፡ ግሩማን።
እንዘ፡ ትሚቀሳሳ፡ ለምድር፡ በእንተ፡ ዕክዮሙ፡ ለኃጥአን።

አሜሃ፡ ትሁብሙ፡ ዕሚተ፡ ለአግብርቲክ፡ ጸድቃን።
አሶቦ፡ ልዕልፍ፡ ወክብር፡ ዘኢይማስን።
ውስተ፡ ልቦ፡ ሰብእ፡ ዘኢተኅለየ፡ ወዘኢተሰምዓ፡ በእዝን።

፪፯፡ አሜሃ፡ ይትፈደይ፡ ገፋዒ፡ ፍዳ፡ ገፍቶቱ።
እስመ፡ ቀነዮሙ፡ ለድኩማን፡ በኃይሉ፡ ወበትዕቢቱ።
ወይዌርውዎ፡ ውስተ፡ ግብ፡ ለገንፃም፡ መትሕተ፡ ታሕቱ።
ኅቦ፡ አልቦ፡ ብርሃን፡ ወዝዚፍ፡ ጽልመቱ።
ዘኢይነውዎ፡ ዕሚሁ፡ ወዘኢይጠፍዕ፡ እሳቱ።

፪፰፡ ብፁዕ፡ ብእሲ፡ በጊዜ፡ መከራ፡ ዘይትዒገሥ።
እስከ፡ ይመጽእ፡ በስብሐት፡ መድኃኔ፡ ዓለም፡ ንጉሥ።
ለእለ፡ ይትዒገሡ፡ ሕማም፡ አሜሃ፡ በመካነ፡ ትፍሥሕት፡ ያርእስ።
እንዘ፡ ያስተዋሕድ፡ ለሥጋ፡ ምስለ፡ ነባቢት፡ ነፍስ።
ደብል፡ ዘተዓገሡ፡ በእንቲአየ፡ ሕይወተ፡ ለይረስ።

፪፱፡ ስብሐት፡ ለእግዚአብሔር፡ በቅዱሳኒሁ፡ ዘየዓርፍ።
ወይትባረክ፡ ስሙ፡ እምጽንፈ፡ ዓለማት፡ እስከ፡ ጽንፍ።
እንዘ፡ ይነብብ፡ ላዕሌየ፡ መንፈሱ፡ ጸጋሁ፡ ሐዳፍ።
ዘአፈጸመኒ፡ በሰላም፡ ለዝንቱ፡ መጽሐፍ።
ዘይሰመይ፡ ምክሐ፡ ምእመናን፡ ወምክረ፡ መድኃኒት፡ ውክፍ።

—vvvvvvvvvv—

ሊተ፡ ለገብርክ፡ ወልደ፡ ኢየሱስ፡ ለዘጸሐፍክዎ፡ ለዝንቱ። መጽሐፍ፡
በሰማይ፡ ስምየ፡ በቀለሙ፡ ሕይወት፡ ጸሐፍ።
አሜን፡ ወአሜን፡ ለይኩን፡ ለይኩን።





ሐ ዲ በ : መ ል ክ አ : መ ድ ኃ ኔ ዓ ለ ም ።

- ፩፡ በስመ፡ አብ፡ ወላዲ፡ ወለኩል፡ መሠረት።
 ወበስመ፡ ወልድ፡ ተወላዲ፡ ዘእንበለ፡ ጥንት።
 ወበስመ፡ መንፈስ፡ ቅዱስ፡ ወሀቤ፡ ሕይወት።
 እንዘ፡ ይሢላስ፡ በአካላት፡ ወይትዋሐድ፡ በመለኮት።
 ዘፈጠረ፡ ዓለመ፡ በሥልጣን፡ ወበኅብረት።
- ፪፡ እጽሕፍ፡ ድርሳን፡ ለዝክረ፡ ስሙ፡ ጥዑም።
 ኩሉ፡ ግብር፡ በእዴሁ፡ ናሁ፡ ሠናይ፡ ወናሁ፡ አዳም።
 ኢየሱስ፡ ክርስቶስ፡ መድኃኔዓለም።
 ቤዘወነ፡ በመስቀሉ፡ ወአውጽኦን፡ እምገሃነም።
 እስመ፡ ግብሩ፡ ዕፁብ፡ መንከር፡ ወመድምም።
- ፫፡ ሰላም፡ ለልደትክ፡ ዘንበለ፡ ጥንት፡ እምአብ።
 ወለሀላዊክ፡ ሰላም፡ መንከር፡ ወዕፁብ።
 መድኃኔዓለም፡ ክርስቶስ፡ ዘትነብር፡ ላዕለ፡ ክሩብ።
 አድኅነኒ፡ በመስቀልክ፡ ወአውጽኦኒ፡ እምጸባብ።
 ወአሠልጥነኒ፡ ዓዲ፡ በኃይል፡ ወጥበብ።
- ፬፡ ሰላም፡ ለጽንሰትክ፡ ዘእንበለ፡ ዘርእ፡ ወሩካቤ።
 እምድንግል፡ ቅድስት፡ ኢሳይያስ፡ በከመ፡ ይቤ።
 መድኃኔዓለም፡ በእንቲአን፡ ዘሰተይክ፡ ክርቤ።
 ወዘተወከፍክ፡ እምአይሁድ፡ ጥብጣቤ።
 ከመ፡ ሰብእ፡ በመስቀል፡ እንዘ፡ አንተ፡ ሶቤ።
- ፭፡ ሰላም፡ ለልደትክ፡ እምድንግል፡ ነዓስ።
 ነዋ፡ በትንቢቱ፡ በከመ፡ ይቤ፡ ኢሳይያስ።
 አድኅነኒ፡ በመስቀልክ፡ መድኃኔዓለም፡ ክርስቶስ።
 ወከልለኒ፡ በስምክ፡ እምልሳን፡ ወባዕስ።
 ወአስተሳንዕወኒ፡ እምዐቢይ፡ ወንዑስኒ።

- ፮፡ ሰላም፡ ለግዝረትክ፡ እምልደትክ፡ በሰሙን።
 ከመ፡ ተውሀቦ፡ ለአብርሃም፡ ምእመን።
 ኢየሱስ፡ ክርስቶስ፡ ወመድኃኔዓለም፡ ብርሃን።
 አብርሀ፡ ልቡናየ፡ ወዘሕሊናየ፡ ዓይን።
 ከመ፡ እርአይ፡ ገሃድ፡ ዘሥጋዊክ፡ ስን።
- ፯፡ ሰላም፡ ለዝክረ፡ ስምክ፡ ጥዑመ፡ ስም፡ ወዜና።
 ኅልቄ፡ አስማቲክ፡ ክቡራት፡ ዘኢይረከቦን፡ ሕሊና።
 መድኃኔዓለም፡ ወልድ፡ አብ፡ ወወልድ፡ ማርያም፡ ወለተ፡ ሐና።
 ዕቀበኒ፡ በሥልጣንክ፡ ከመ፡ ኢይርአይ፡ ሙስና።
 አኮነ፡ ዘሐመምክ፡ ለዓለም፡ ጥሒና።
- ፰፡ ሰላም፡ ለስእርተ፡ ርእስክ፡ በጸጋ፡ ዕፍረት፡ ዘተመዝመዘ።
 ጌና፡ መዓዛሁ፡ ሠናይ፡ ለኩሉ፡ ዘምዕዘ።
 መድኃኔዓለም፡ ስምክ፡ ይኩነኒ፡ አኅዘ።
 ዲያብሎስ፡ ይተዋቀሰኒ፡ ሶብ፡ አኅዘ።
 ሐሊ፡ በእንቲየ፡ ገቦክ፡ ርጉዘ።
- ፱፡ ሰላም፡ ለርእስክ፡ ጸጉረ፡ ጸጋ፡ ዓለም፡ ዘተገልበበ።
 ምሕረተ፡ ወሣህለ፡ ወዘመልዓ፡ ጥበብ።
 መድኃኔዓለም፡ ሀበኒ፡ ዘጥበብ፡ ሐሊብ።
 ወዓዲ፡ ትዕግሥተ፡ እንተ፡ ታቀልል፡ ዕዐብ።
 ወጣዕመ፡ ፍቅርክ፡ እምላካዊት፡ ትኩነኒ፡ ምግብ።
- ፲፡ ሰላም፡ ለገጽክ፡ ብርሃን፡ መለኮት፡ ግልቡብ።
 ትስብእት፡ ምስለ፡ መለኮት፡ በተዋሀድ፡ ዕፁብ።
 መድኃኔዓለም፡ ክርስቶስ፡ ፀሐይ፡ ዘኢየህርብ።
 ደምስክ፡ ኃጢአትየ፡ በደመ፡ ገቦክ፡ አስራብ።
 እስመ፡ አነ፡ ወልድ፡ ወአንተ፡ ሊተ፡ አብ።
- ፲፩፡ ሰላም፡ ለቀራንብቲክ፡ ዘኢይለክፍን፡ ሐኬት።
 ቀራንብተ፡ ልዑል፡ በተዋሀድ፡ ምስለ፡ ትስብእት።
 መድኃኔ፡ ዓለም፡ ዘኮንክ፡ ለኩሉ፡ ፍጥረት።
 ሕይወተ፡ በአሚን፡ ወበጥምቀት።
 እስከ፡ ነሥኡ፡ ጸጋ፡ ወውሉድ፡ ትርሲት።

፲፪፡ ሰላም፡ ለአዕይንቲክ፡ አለ፡ ይኔጽራ፡ ነሱ።
 በምድር፡ በታሕቱ፡ ወዘበሰማይ፡ ዘሀሎ።
 መድኃኔ፡ ዓለም፡ ክርስቶስ፡ ዕቀበኒ፡ እምተኃጉሎ።
 ኢትቅረብ፡ ጎበ፡ ገብርዮ፡ ለፀርዮ፡ በሎ።
 ኢይምስጠኒ፡ ግብተ፡ ከመ፡ ዓውሎ።

፲፫፡ ሰላም፡ ለአክዛኒክ፡ ተወካፊ፡ ነሱ፡ ጸሎት።
 ለእለ፡ ይስእሉ፡ ጎቤክ፡ በሃይማኖት።
 መድኃኔ፡ ዓለም፡ ክርስቶስ፡ ወሀቤ፡ ጸጋ፡ ወሕይወት።
 ሀበነ፡ ጸጋ፡ ንስሐ፡ ወባልሐነ፡ እመንሱት።
 እስመ፡ አንተ፡ ባላሐ፡ በነሱ፡ ሰዓት።

፲፬፡ ሰላም፡ ለመላትሒክ፡ ጽዱላት፡ ከመ፡ ጽጌ፡ ረዳ።
 ወርአዮቶ፡ ዘኮነ፡ መቅሌሌ፡ ዕዳ።
 መድኃኔ፡ ዓለም፡ ክርስቶስ፡ ወነሣኤ፡ ፍዳ።
 ዕቀብ፡ ሰብእናዮ፡ ኢትሐር፡ በልማዳ።
 ዘተዓቅብ፡ ነሱ፡ በልቀመ፡ ወሰውዳ።

፲፭፡ ሰላም፡ ለአእናሬክ፡ ጸና፡ መዓዛሀ፡ ጥዑም።
 ለርእይ፡ ወአጸንዎ፡ ብዙኃ፡ ዘይዔድም።
 ኢየሱስ፡ ክርስቶስ፡ መድኃኔ፡ ዓለም።
 ስረይ፡ አበሳዮ፡ በደመ፡ ገበክ፡ ሕቱም።
 ተሀብ፡ መድኃኒተ፡ ዘተሐትመ፡ እምቅድም።

፲፮፡ ሰላም፡ ለከናፍሪክ፡ አለ፡ ኢነበባ፡ ከንቶ።
 ወእለ፡ ገሠጽ፡ ሐሰተ፡ እምደቂቀ፡ አዳም፡ ለአኢትቶ።
 መድኃኔዓለም፡ ክርስቶስ፡ እምላክ፡ ጳውሎስ፡ ወቲቶ።
 ዕቀበኒ፡ በሥልጣንክ፡ ኢይምዓኒ፡ ለአስሕቶ።
 ዲያብሎስ፡ ፀርዮ፡ ዘሰፍሐ፡ መሥገርቶ።

፲፯፡ ሰላም፡ ለጽሕምክ፡ መዓዛ፡ በረከት፡ ዘጸረ።
 እምሳለ፡ ጽሕመ፡ ለኢዲን፡ ዘኢየሁዳ፡ ድኅረ።
 መድኃኔዓለም፡ ክርስቶስ፡ ስምዓኒ፡ ወትረ።
 ዕቀበኒ፡ በሥልጣንክ፡ ወአዕድወኒ፡ ባሕረ።
 ማየ፡ ባሕር፡ ዓለም፡ ኢያስጥመኒ፡ ምዕረ።

፲፰፡ ሰላም፡ ለአፋክ፡ አፈ፡ ቅዱሳን፡ አእላፍ።
 ከመ፡ አፈ፡ አርን፡ ካህን፡ ለሙሴ፡ ጸያፍ።
 መድኃኔዓለም፡ መምህር፡ ወዘባሕር፡ ዓለም፡ ሐዳፍ።
 ሶበ፡ ተንሥእ፡ ላዕሌዮ፡ ጸረ፡ ልሳን፡ ሰይፍ።
 ዕቀበኒ፡ ወባልሐኒ፡ በስምክ፡ ቃፍ።

፲፱፡ ሰላም፡ ለአስናኒክ፡ ዘከመ፡ በረድ፡ ዐዓዳ።
 ሰሐቀ፡ ወስላቀ፡ እለ፡ ኢለመዳ።
 መድኃኔዓለም፡ ክርስቶስ፡ ንጉሠ፡ ይሁዳ።
 ዕቀበኒ፡ ለነፍስዮ፡ ወጎበ፡ ሙስና፡ ኢትስድዳ።
 እስመ፡ አንተ፡ ለጽድቅ፡ ዓምዳ፡ ወድዳ።

፳፡ ሰላም፡ ለልሳንክ፡ ገባሬ፡ ተአምር፡ ወኃይል።
 ዘይፌውስ፡ ዱያነ፡ በሥልጣን፡ ወበካሂል።
 መድኃኔዓለም፡ ስቡሕ፡ ወልደ፡ እግዚአብሔር፡ ልዑል።
 አድኅነኒ፡ በምሕረትክ፡ እምነ፡ ገሃነም፡ ወሲኦል።
 አንተ፡ ታውኒ፡ ነሱ፡ ለነዳይ፡ ወበዕል።

፳፩፡ ሰላም፡ ለቃልክ፡ ዘገብረ፡ ተአምራተ።
 ዘአንሥእ፡ ሙታነ፡ ወዘአውጽእ፡ አጋንንተ።
 ኢየሱስ፡ ክርስቶስ፡ መድኃኔዓለም፡ አንተ።
 ትፈውስ፡ ቀሩስለ፡ ነፍስ፡ ወትስረይ፡ ኃጢአተ።
 ዘወረድክ፡ እምሰማይ፡ ወአፍቀርክ፡ ትሥጉተ።

፳፪፡ ሰላም፡ ለአስትንፋስክ፡ ወሀቤ፡ ጸጋ፡ ወጥኒና።
 ለሐዋርያት፡ ኃይለ፡ ወለትሐታን፡ ልዕልና።
 መድኃኔዓለም፡ ወልደ፡ አብ፡ ወወልደ፡ ዳዊት፡ ሆሳዕና።
 ሀበኒ፡ ጸጋ፡ ጥበብ፡ ትዕግሥተ፡ ወትሕትና።
 ወአንጽሐኒ፡ በደምክ፡ ከመ፡ ኢይርአይ፡ ሙስና።

፳፫፡ ሰላም፡ ለጉርዒክ፡ ጽሙፅ፡ ላዕለ፡ መስቀል።
 በአንተ፡ ፍቅረ፡ ሰብእ፡ በለቢሱ፡ ሥጋ፡ እምድንግል።
 መድኃኔዓለም፡ ክቡር፡ ዘትነብር፡ ላዕለ፡ ኪሩቤል።
 ተወከፍክ፡ ሕማመ፡ ወሰከብክ፡ በኃል።
 እንዘ፡ አንተ፡ እምላክ፡ ወጽኑፅ፡ ኃያል።

፳፬፡ ሰላም፡ ለክሳድክ፡ ዘአዳም፡ ርእየቱ።
 ከመ፡ ዕንቄ፡ ባሕርይ፡ ወከመ፡ ማኅው፡ ጽርየቱ።
 መድኃኔዓለም፡ ሕያው፡ ለአዳም፡ መድኃኒቱ።
 ዕቀበኒ፡ እምዲያብሎስ፡ ወባልሐኒ፡ እመስገርቱ።
 እስመ፡ ተመያኒ፡ ወዕቡይ፡ ውእቱ።

፳፭፡ ሰላም፡ ለመትከፍትክ፡ ጸዋሬ፡ መስቀል፡ በቀራንዮ።
 መንክር፡ ወዕቡብ፡ ትሕትናክ፡ ለዘይርእዮ።
 መድኃኔዓለም፡ ወልደ፡ አብ፡ ወወልደ፡ ማርያም፡ በተባርዮ።
 ሎቱ፡ ይደሉ፡ ስባሕ፡ ለዘኃደጉ፡ ዕቡዮ።
 ለአዳም፡ ምስለ፡ ደቂቁ፡ ይደምስስ፡ ጌጋዮ።

፳፮፡ ሰላም፡ ለዘባንክ፡ ስብሐተ፡ መላእክት፡ ልብሱ።
 ላዕለ፡ ኪሩብ፡ ዘይነብር፡ ወሱራሕ፡ ብርሃን፡ ሞገሱ።
 መድኃኔዓለም፡ ክርስቶስ፡ አምላክ፡ ሙሉ፡ ወኢያሱ።
 ጸረ፡ መስቀለ፡ ያድኅነን፡ እምባዕሱ።
 ለዲያብሎስ፡ ርጉም፡ ዘአከይ፡ አጠሱ።

፳፯፡ ሰላም፡ ለእንግዲዓክ፡ ምሉዓ፡ ጸጋ፡ ወበረከት።
 አክ፡ ለዕቡይ፡ አላ፡ ለየዋህ፡ ወትሐት።
 መድኃኔዓለም፡ ክርስቶስ፡ ወሀቤ፡ ሕይወት።
 ሀበኒ፡ ጸጋክ፡ እንበለ፡ መጠን፡ ወመስፈርት።
 አክ፡ ዘበምድር፡ አላ፡ ዘበሰማያት።

፳፰፡ ሰላም፡ ለሕጽንክ፡ ምርፋቀ፡ አዕርክት፡ ጸድቃን።
 ወመዓዛህ፡ ቅብዓ፡ በለሳን።
 መድኃኔዓለም፡ ክርስቶስ፡ ጥዑመ፡ ልሳን።
 ዕሙቅ፡ ግብርክ፡ ጥቀ፡ ለመስተዓግሣን።
 ወግሁድ፡ ለየዋሃን፡ ወለቅዱሳን።

፳፱፡ ሰላም፡ ለአእዳዊክ፡ አለ፡ ስፋሐት፡ ዘመስቀል።
 ወአለ፡ ተለክኦ፡ በቀኖት፡ ዘኢያንቀለቅል።
 መድኃኔዓለም፡ ዋህድ፡ ዘእግዚአብሔር፡ ቃል።
 ሶብ፡ መጽአኒ፡ ግብተ፡ ጸርየ፡ ሐቃል።
 አድኅነኒ፡ እግዚአ፡ ወባልሐኒ፡ እምቀትል።

፴፡ ሰላም፡ ለመዝራዕትክ፡ መዝራዕተ፡ ኃይል፡ ጽኑዕ።
 ዘአጽናዕክ፡ ዓለመ፡ ምስለ፡ አቡክ፡ ኅቡዕ።
 ወምስለ፡ መንፈስክ፡ ወሀቤ፡ ጸጋ፡ ወቅብዕ።
 መድኃኔዓለም፡ ስቡሕ፡ ወዘሕጉ፡ ወንጌል፡ ሣውዕ።
 አድኅነኒ፡ እግዚአ፡ እምብእሲ፡ ምዑዕ።

፴፩፡ ሰላም፡ ለክሮናዒክ፡ ክሮንዓ፡ ኃይል፡ ዘአንበሳ።
 ዘይሰብር፡ ዕቡዮ፡ ወዕቡዮ፡ እንስሳ።
 መድኃኔዓለም፡ ስቡሕ፡ ለዓለም፡ ሞገሳ።
 ዘሞትክ፡ በመስቀል፡ ከመ፡ ትስረይ፡ አበሳ።
 ስረይ፡ አበሳዩ፡ ወበደምክ፡ ደምስሳ።

፴፪፡ ሰላም፡ ለእመትክ፡ መጣኒ፡ አልባብ፡ ወሕሊኖ።
 ዘይሰፍህ፡ ምሕዋረ፡ ወመከየደ፡ ሰኩኖ።
 መድኃኔዓለም፡ ምስለ፡ አብ፡ ዘትሂሉ፡ በዕሪኖ።
 ወዘረሰይክ፡ ለማይ፡ ወይነ፡ በብሔረ፡ ቃኖ።
 ወልዋ፡ እግዚአ፡ ኅብ፡ ጽድቅ፡ ዘዚአዩ፡ ልቡኖ።

፴፫፡ ሰላም፡ ለእራኃቲክ፡ ዓለመ፡ አለ፡ አኃዛ።
 ምስለ፡ አቡክ፡ መሐሪ፡ ወምስለ፡ መንፈስክ፡ ቅብዓ፡ መዓዛ።
 መድኃኔዓለም፡ አንተ፡ ወደብረ፡ ሎዛ።
 ከልላ፡ በረድኤትክ፡ ለነፍስዩ፡ አመ፡ ትከዛ።
 ወአጽንዕ፡ ሃይማኖታ፡ እስመ፡ ይእቲ፡ ምርጉዛ።

፴፬፡ ሰላም፡ ለእዓብዒክ፡ በመሬት፡ አለ፡ ጸሐፋ።
 ሶብ፡ ሰከይዋ፡ አይዑድ፡ ለዘማ፡ ቅብጽተ፡ ተስፋ።
 መድኃኔዓለም፡ ለነፍስዩ፡ በእደ፡ ጸራ፡ ኢትግድፋ።
 ኢታስምዓ፡ ትዕይርተ፡ ወቃለ፡ ጸላኒ፡ ዘለፋ።
 ዳዕሙ፡ ለሊክ፡ በሰላም፡ አዕርፋ።

፴፭፡ ሰላም፡ ለአጽፋረ፡ እዴክ፡ አለ፡ በጉባሬ፡ ያጽደለድላ።
 ከመ፡ ከዋክብት፡ ጽዱላት፡ ወከመ፡ ዕብላ።
 መድኃኔዓለም፡ ብርሃን፡ ወዘአሕዛብ፡ ገሊላ።
 አቀምክ፡ ኪዳነ፡ ለዳዊት፡ በመሐላ።
 ታድኅን፡ ሕዝባክ፡ እመሣጢ፡ ተኅላ።

፴፯፡ ሰላም፡ ለገበክ፡ ዘአውኃዘ፡ ደመ፡ ወማየ።
 ሶበ፡ ረገዙክ፡ በኩናት፡ ዘኢገበርክ፡ እኩየ።
 መድኃኔዓለም፡ ዘኃይል፡ ዘአጽናዕክ፡ ሰማየ።
 ወበመስቀል፡ ዳግመ፡ ዘተወከፍክ፡ ሥቃየ።
 መሐረኒ፡ እግዚአ፡ ወስረይ፡ አበሳየ።

፴፱፡ ሰላም፡ ለኮርሶክ፡ ሲሳየ፡ ፍጡራን፡ ዘኢፈቀደ።
 እንበለ፡ ንስቲት፡ ለሥጋ፡ ምስለ፡ መለኮት፡ ዘተዋሐደ።
 መድኃኔዓለም፡ ሥግው፡ እመለኮቱ፡ ዘኢተበደ።
 ኃቢአ፡ መለኮቶ፡ በሥጋ፡ ተወልደ፡ ተወልደ።
 ወበሐገ፡ ትስብእት፡ ሥልጣኖ፡ አግሃደ።

፵፩፡ ሰላም፡ ለልብክ፡ መዝገበ፡ አእምሮ፡ ወጥበብ።
 ዘኢየአምሮ፡ ሰብእ፡ ወመላእክት፡ አርባብ።
 መድኃኔዓለም፡ ክርስቶስ፡ ኃይለ፡ መዝራዕቱ፡ ለአብ።
 ዕቀበኒ፡ ወአድኅነኒ፡ እምዓለም፡ መርበብ።
 እስመ፡ ትስሕብ፡ በጣዕማ፡ ሐሊብ።

፵፪፡ ሰላም፡ ለሕሊናክ፡ ሕሊና፡ ፍጡራን፡ ዘኢይሜጥኖ።
 ወኢይረክቦ፡ ምንተኒ፡ ዘኮነ፡ ከዊኖ።
 መድኃኔዓለም፡ ኩነኒ፡ ዘጥበብ፡ ደርከኖ።
 አኡቆ፡ ገብርክ፡ እምዘመን፡ ዘመኖ።
 ዕዚተ፡ ጸድቃን፡ ዘላዕሉ፡ ከመ፡ እርአይ፡ ሰኖ።

፵፫፡ ሰላም፡ ለሕንብርትክ፡ ሕልቀተ፡ ወርቅ፡ ንጡፍ።
 ይሄሉ፡ በልቡና፡ ወአኮ፡ በአና።
 መድኃኔዓለም፡ ትጉሕ፡ ለምሐር፡ ዘኢተዓርፍ።
 አድኅነኒ፡ እምቀትል፡ ወበልሐኒ፡ እምሰይፍ።
 ወደምስስ፡ አበሳየ፡ በስምክ፡ ካፍ።

፵፬፡ ሰላም፡ ለሐቀኢክ፡ ሐብለ፡ ትሕትና፡ ቅናቱ።
 ወበላዕሌሁ፡ ቅኑት፡ ሰይፈ፡ መዓቱ።
 ይመትር፡ ዕቡየ፡ እስመ፡ ኃይል፡ ውእቱ።
 መድኃኔዓለም፡ ሥርግው፡ ቀቀበ፡ ምሕረቱ።
 በንጽሐ፡ አዕናቀ፡ ዘአዳም፡ ግብረቱ።

፵፭፡ ሰላም፡ ለአቀያጸኢክ፡ ዘቀርን፡ ነጌ፡ አዕማድ።
 እለ፡ ያበርሃ፡ ኅቡረ፡ ከመ፡ ዕንቁ፡ ባሕርይ፡ መረግድ።
 መድኃኔዓለም፡ ኃይል፡ እሳተ፡ ነበልባል፡ ነድ።
 ያውዒ፡ በነበልባሉ፡ ለኩሉ፡ መስተካህድ።
 አሌ፡ ሎቱ፡ ዘኢየአምን፡ በወልድ።

፵፮፡ ሰላም፡ ለአብራኪክ፡ እለ፡ ሰገዳ፡ በጌቲ፡ ሰማኒ።
 ከመ፡ ያስገዳ፡ በአሚን፡ ለኩሉ፡ ተአማኒ።
 መድኃኔዓለም፡ አንተ፡ ፈጽሚ፡ ወወጣኒ።
 ዕቀበኒ፡ እግዚአ፡ እምዓለም፡ ማሳኒ።
 ወበልሐኒ፡ ዓዲ፡ እምአኩይ፡ ተመያኒ።

፵፯፡ ሰላም፡ ለአእጋሪክ፡ እለ፡ አንሶሰዋ፡ በየብስ።
 ዘባሕር፡ ወዘየብስ፡ ወኩሉ፡ ትቀድስ።
 መድኃኔዓለም፡ ስቡሕ፡ ዘላዕለ፡ ኩሉ፡ ንጉሥ።
 ኩነኒ፡ ረድኤተ፡ በሥጋ፡ ወነፍስ።
 ወዕቀብ፡ ሰብአናየ፡ በቅዱስ፡ መንፈስ።

፵፰፡ ሰላም፡ ለሰኳንዊክ፡ ድማሐ፡ ኃጥእ፡ እለ፡ ይኮይዳ።
 ወእለ፡ አንሶሰዋ፡ ቅድመ፡ በምድረ፡ ይሁዳ።
 መድኃኔዓለም፡ ክርስቶስ፡ ወፈዳየ፡ ፍዳ።
 አቅልል፡ ሊተ፡ እግዚአ፡ ክበደ፡ አበሳ፡ ወዕዳ።
 አንጽሐኒ፡ በደምክ፡ ወበስምክ፡ ቱዳ።

፵፱፡ ሰላም፡ ለመከየድክ፡ አሣዕነ፡ ሕይወት፡ ዘተሳዕነ።
 ዘይከይድ፡ አቅራብ፡ ወከይሴ፡ ሰይጣነ።
 መድኃኔዓለም፡ ደምክ፡ ሰራዬ፡ ኃጢአት፡ ዘኮነ።
 ወኪድ፡ አጽራሪን፡ እለ፡ ይመጽኤ፡ ብነ።
 አቅራብ፡ ወአክይስተ፡ ወኩሉ፡ ኀጣነ።

፶፩፡ ሰላም፡ ለአፃብዳ፡ እግርክ፡ እለ፡ ያንጸባርቃ።
 ወዘያስተርእያ፡ ለሲኦል፡ ውስተ፡ ዕመቃ።
 መድኃኔዓለም፡ ለነይፍየ፡ ዲያብሎስ፡ ሶበ፡ አጠወቃ።
 ወአመ፡ ትቀውም፡ ቅድሚክ፡ ኢትኩን፡ ዕራቃ።
 ክድና፡ ልብሰ፡ ክብር፡ ወበሣህልክ፡ አጽድቃ።

፵፮፡ ሰላም፡ ለቆምከ፡ በአቅመ፡ አዳም፡ ፍጹም።
 ዘያርአድ፡ ግርማሁ፡ ወዘርአየቱ፡ መድምም።
 አደሱሱ፡ ክርስቶስ፡ መድኃኔዓለም።
 አንጽሐኒ፡ እምአበሳ፡ ወአድኅነኒ፡ እምደም።
 ዕቀበኒ፡ ዓዲ፡ ወአሞት፡ ዳግም።

፵፱፡ ሰላም፡ ለመልክዕከ፡ መልክዓ፡ እምላክ፡ ብሩህ።
 ዘአስተርአየ፡ በግርማ፡ በደብረ፡ ታቦር፡ ነዊኅ፡
 መድኃኔዓለም፡ ስቡሕ፡ ወንጉሠ፡ ሰላም፡ የዋህ።
 ዕቀበኒ፡ እግዚአ፡ እማየ፡ ከኀኒ፡ አይኅ።
 ከመ፡ አቀብከ፡ ቀድመ፡ በታቦት፡ ለኖኅ።

፶፡ ሰላም፡ ለተእኅዞትከ፡ በአደ፡ ርኩሳን፡ አይሁድ።
 ምስለ፡ ይሁዳ፡ ወልደ፡ ኃጉል፡ ወልቡናሁ፡ ክቡድ።
 አደሱሱ፡ ክርስቶስ፡ መድኃኔዓለም፡ ወልደ።
 ዕቀበኒ፡ በሥልጣንከ፡ እምጸብአ፡ ዲያብሎስ፡ አብድ።
 ዘያስተባዕስ፡ ወትረ፡ እምዘመድ፡ ወበዕድ።

፶፩፡ ሰላም፡ ለተቀሥፎትከ፡ በመባሕተ፡ መስፍን፡ ዕቡድ።
 በሐብለ፡ ጥብጣቤ፡ ወጽርፈት፡ እንበለ፡ ጌጋይ።
 መድኃኔዓለም፡ ስቡሕ፡ ወንጉሥ፡ ዐቢይ።
 እፎ፡ ቀወፉከ፡ ለእግዚአ፡ ወለአዶናይ።

፶፪፡ ሰላም፡ ለተኮርዖትከ፡ በሕለት፡ ከመ፡ አብድ።
 እንዘ፡ አንተ፡ እምላክ፡ ወንጉሠ፡ አይሁድ።
 መድኃኔዓለም፡ ዕሩይ፡ ምስለ፡ አብ፡ መርዕድ።
 ያደምም፡ ጥቀ፡ ትዕግስትከ፡ ለኩሉ፡ ነገድ።
 ተኮርዖትከ፡ ከመ፡ ገብር፡ በዓውድ።

፶፫፡ ሰላም፡ ለሕማምከ፡ ሕማሙ፡ ዓለም፡ ዘፈወሰ።
 ወተአስሮትከ፡ ድጋሪተ፡ ርኩሳን፡ ቀደሰ።
 መድኃኔዓለም፡ በኃይለ፡ የማኅ፡ ዘነግሠ።
 ነሠተ፡ ቀዳማየ፡ ወአቀመ፡ ሐዲሰ።
 ወዘአምነ፡ ቦቱ፡ ይረክብ፡ ጥገሰ።

፶፬፡ ሰላም፡ ለዕርቃንከ፡ እምልብሰ፡ እልታሕ፡ ዘያስተርአ።
 በወረቀ፡ ምራቅ፡ ርኩሱ፡ እስከ፡ ይሣለቅ፡ ጸላኒ።
 መድኃኔዓለም፡ ዕጉሥ፡ ወኃያል፡ መዋዒ።
 ዕቀበኒ፡ እግዚአ፡ እምነ፡ እኩይ፡ ቀናዒ።
 ከማቱ፡ አበሳ፡ ጥቀ፡ ወጽድቀ፡ ኃባኢ።

፶፭፡ ሰላም፡ ለለቢሶትከ፡ ልብሰ፡ ከለሚዳ፡ ቀድሐ።
 እስከነ፡ አቅረቡ፡ ለከ፡ ዘበተሣልቆ፡ እምሐ።
 ሰጊድ፡ ወአስተብርከ፡ ወቀሐለ፡ በሐ።
 መድኃኔዓለም፡ ዘኮንከ፡ በኩሉ፡ የዋሃ።
 ሀበኒ፡ ትዕግሥተ፡ ወልቤ፡ ንጹሐ።

፶፮፡ ሰላም፡ ለተቀንዖትከ፡ በቀኖተ፡ ሐጺን፡ ዕፁብ።
 በምክረ፡ ቀያፋ፡ ወሐና፡ ጽኑዓን፡ አልባብ።
 መድኃኔዓለም፡ ኃይሉ፡ ወቃሉ፡ ለአብ።
 እፎ፡ ቀነወከ፡ ግዙፋን፡ ክሳድ፡ አልባብ።
 ያደምም፡ ግብርከ፡ ወጥቀ፡ የዓዕብ

፶፯፡ ሰላም፡ ለስቅለትከ፡ በዕለተ፡ ዓርብ፡ ዘኮን።
 ምስለ፡ ክልኢቱ፡ ፈያት፡ ጽግመ፡ ወይምነ።
 መድኃኔዓለም፡ ስቡሕ፡ ዘሞትከ፡ በእንተአነ።
 ኪያከ፡ ረዳኤ፡ ወአቤ፡ ረስዶነ።
 ዕቀበነ፡ ወትረ፡ ወኢተኅድገነ።

፶፱፡ ሰላም፡ ለጸአተ፡ ነፍስከ፡ ሐብለ፡ ሥልጣን፡ ሞት፡ ዘበተከ።
 ብፁዓን፡ ኩሎሙ፡ እለ፡ አሥመሩ፡ ኪያከ።
 መድኃኔዓለም፡ ስቡሕ፡ ዲቤ፡ ዕፁ፡ መስቀል፡ ዘሞትከ።
 እስመ፡ ደምከ፡ ማኅየዊ፡ ያረዊ፡ ሕዝበከ።
 ወያጠልል፡ ኩሉ፡ እለ፡ እምነ፡ ብከ።

፷፡ ሰላም፡ ለበድን፡ ሥጋከ፡ ዘመዓዛሁ፡ ጽጌ፡ ረዳ።
 ዘኢተበዓድ፡ ጥቀ፡ ሥጋ፡ ምስለ፡ አነዳ።
 መድኃኔዓለም፡ ስቡሕ፡ ወመቅለል፡ ዕዳ።
 ደምስስ፡ አበሳየ፡ ጽሕፍተ፡ በሠሌዳ።
 ባልሐኒ፡ ዓዲ፡ እምስኪር፡ ወትስጉዳ።

፳፡ ሰላም፡ ለግንዘተ፡ ሥጋክ፡ ጥብሉል፡ በልብሰ፡ ስብሐት።
 እስመ፡ ተዋሐደ፡ ምስለ፡ መለኮት።
 መድኃኔዓለም፡ ሥጋክ፡ ዘዓለም፡ ሕይወት።
 አዘክረኒ፡ ዘመንዮ፡ ወጊዜ፡ ኅልፈትዮ፡ በሞት።
 እስተዳሉ፡ ስንቀ፡ ዘሰማይ፡ ፍኖት።

፳፩፡ ሰላም፡ ለመቃብሪክ፡ ውስተ፡ ዝሕር፡ ሐዲስ።
 መቃብር፡ ክቡር፡ ወድንግል፡ ቅዱስ።
 እር፡ ቀበሩክ፡ መድኃኔዓለም፡ ክርስቶስ።
 እንዘ፡ አንተ፡ አምላክ፡ ወልዑል፡ ንጉሥ፡
 ዘተዓቅብ፡ ክሉ፡ በሥጋ፡ ወነፍስ።

፳፪፡ ሰላም፡ ለትንሣኤክ፡ ዘገብረ፡ መንክረ።
 ሰዓረ፡ ሞተ፡ ወኦርኃው፡ መቃብረ።
 መድኃኔዓለም፡ ስቡሕ፡ ገብረ፡ ተአምር፡ ወትረ።
 እስእለክ፡ እግዚአ፡ ሰምዓኒ፡ ምዕረ።
 ዕቀበኒ፡ በኃይልክ፡ ፍጽመ፡ ወድኅረ።

፳፫፡ ሰላም፡ ለዕርገትክ፡ ምስለ፡ ሥጋ፡ በተዋህደ።
 እንዘ፡ ያበርህ፡ ከመ፡ ወርኅ፡ በኢተባዕዶ።
 መድኃኔዓለም፡ ዘሞተ፡ በተዋርዶ።
 ዓርገ፡ በስብሐት፡ ወመላእክት፡ ዓውዶ።
 ሰአር፡ ለዕቡያ፡ ወለጽልመት፡ ስደዶ።

፳፬፡ ሰላም፡ ለምጽአትክ፡ ትእምርት፡ አንተ፡ አልባቲ።
 እመሂ፡ በሌሊት፡ አው፡ በመዓልት፡ ይአቲ።
 መድኃኔዓለም፡ ምጽአትክ፡ ዘኢየሐም፡ መዋቲ።
 ዳዕሙ፡ ትሌባሕ፡ በአፈ፡ ኩሉ፡ አኣኳቲ።
 እንዘ፡ ኢትትበሐል፡ ነያ፡ ወእንታክቲ።

፳፭፡ ስብሐት፡ ለክ፡ መድኃኔዓለም፡ ስቡሕ።
 መድኃኔቱ፡ ለአዳም፡ ወተስፋሁ፡ ለኖኅ።
 ዘአቀብኮ፡ በታቦት፡ እማየ፡ አይኅ።
 ዕቀባኒ፡ እግዚአ፡ በእደክ፡ ስፋሕ።
 እስመ፡ አንተ፡ መሐሪ፡ ወጥቀ፡ ርኅሩኅ።

፳፮፡ ስብሐት፡ ለክ፡ ኢየሱስ፡ መድኃኔዓለም።
 መድኃኔቱ፡ ለዓለም፡ ወተስፋሁ፡ ለአብርሃም።
 ቤዛሁ፡ ለይስሐቅ፡ ወበግዓ፡ ሰላም።
 ሐዋጼሁ፡ ለሳሙኤል፡ በደብረ፡ ሴሎም።
 እንዘ፡ ሕጻን፡ ውእቱ፡ ዘአስተርአይኮ፡ በሕልም።

፳፯፡ ስብሐት፡ ለክ፡ መድኃኔዓለም፡ ወልደ፡ አቡ፡ ልዑል።
 ወበተዋህደ፡ ወልደማርያም፡ ድንግል።
 ከመ፡ ታድኅን፡ ሰብአ፡ ዘሞትክ፡ በመስቀል።
 እንዘ፡ ሕያው፡ አንተ፡ ወሕያው፡ ቃል።
 ባልሐኑ፡ እግዚአ፡ እመሥገርት፡ በቀል።

፳፰፡ ስብሐት፡ ለክ፡ መድኃኔዓለም፡ ዘኢይደክም።
 ስብሐት፡ ለክ፡ መድኃኔዓለም፡ ዘኢይነውም።
 ስብሐት፡ ለክ፡ መድኃኔዓለም፡ ንጉሠ፡ ሰላም።
 አኣክተክ፡ እንበለ፡ መስፈርት፡ ወአቅም።
 እስመ፡ በስምክ፡ ይጥሂ፡ ሕሙም።

፳፱፡ ለዘሐነጸ፡ መርጦለክ፡ በብዙኅ፡ ዓማ።
 ወለዘጸሐፈ፡ መልክአክ፡ መግረሬ፡ ፀር፡ ወግርማ።
 ዕቀቡ፡ እግዚአ፡ እምእኩይ፡ መስቲማ።
 ወበልሖ፡ ኢያስፍጦ፡ ለዓለም፡ ጣዕማ።
 ወለነፍሱ፡ በሣህልክ፡ በየማን፡ አቅማ።

፳፺፡ ስብሐት፡ ለክ፡ መድኃኔዓለም፡ ንጉሥ።
 ዘአፈጸምከኒ፡ መልክአክ፡ በረድኢትክ፡ ቅዱስ።
 ወዘወሀብከኒ፡ ኃይለ፡ ዘንተ፡ ከመ፡ አድርስ።
 ስረይ፡ አበሳዩ፡ ሊተ፡ ለገብርኩ፡ ተርእዮ፡ ንኡስ።
 አሜን፡ ለይኩን፡ እስከ፡ ደኅሪት፡ እስትንፋስ።

